

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

Imm. 02 Aningaasaqarnermut ataatsimiititaliap aningaasaqarnikkut 2013-imi aprilip naaneranut nalunaarutaa.

Imm. 03 Maniitsumi Ilaqutariinnermut immikkoortortami 2013-imut missingersuutit pillugit missingersuutitigut nuussinissamut qinnuteqaat.

Imm. 04 Maniitsumi naluttarfittaarniaqatigiinnit qinnuteqaat.

Suliassat nalinginnaasut

Imm. 05 Sisimiut 2014-imit 2017 tikillugu ineriartortinneqarnissaa.

Imm. 06 Ilinniartunut inissiaqarfissap sanaartorfigissarneqarnissaa, aningaasaliissutininik nuutsineq, sanaartorfigissaanermi akiligassat.

Imm. 07 Unioqqutisisoqartillugu akiligassiisoqartalernissap atuutsilersinneqarnissaa.

Imm. 08 Mittarfikumi sanaartorfissaq 1.4-mi sanaartornermi atortunut ilitsivissamik qinnuteqaat.

Sulisogarnermut tunngasut

Imm. 09 Atorfeqartitanut tunngasutigut paasissutissiineq, maajip 23-ani 2013-imeersoq.

Paasissutissiissutit

Imm. 10 Inuusuttunut immikkut sammissassaqartitsiniutitut neqeroorummik, Nutaaliorfeeqqamik pilersitsinissamut konto 34-mi missingersuutininik nuutsinissamut naqqiut pillugu ilisimatitsissut.

Imm. 11 Eqqagassalerineq/anartaajaalerineq – isumaqatigiissutip sivisussusissaa pillugu paasissutissiissut.

Imm. 12 Maniitsumi Kangaamiunilu anartaajaalerineq pillugu paasissutissiissut.

Imm. 13 Imermik mingunnikumik misissuineq pillugu Nunanik Avannarlernik suleqateqarneq pillugu paasissutissiissut.

Imm. 14 Tamalaat.



Ataatsimiinneq videokonferenci atorlugu ingerlanneqarpoq aallartillunilu nal. 8:30

Peqataasut:

Atassut

Siverth K. Heilmann, Maniitsoq
Bitten Heilmann, Maniitsoq

Siumut

Hermann Berthelsen, Sisimiut
Gedion Lyberth, Maniitsoq
Marius Olsen, Sisimiut

Nalunaaruteqarlutik peqataannngitsut:

Nalunaaruteqaratik peqataannngitsut

Imm. 01 Oqaluuserisassat akuersissutigineri

Aalajangiineq

Oqaluuserisassat akuersissutigineqarput.

**Imm. 02 Aningaasaqarnermut ataatsimiititaliap aningaasaqarnikkut 2013-imi aprilip
naaneranut nalunaarutaa**

Journalnr. 06.00

Pissutsit atuuttut

Atuisimaneq/isertitat 33,3 procentimiissapput, ukioq kaajallallugu atuisimaneq atsikkutigiikkaamik ingerlasimappat.

Ataatsimut isigalugu apriliip naanerani aningaasaqarnerup killiffia ajunngitsumik ingerlavoq, taa-
maattorli pisortanut ataatsimiititalianullu aningaasaqarnerup ingerlaarnera eqqummaariffigeqqune-
qarpoq. Pingaaruteqarpoq ukioq manna missingersuutassut eqquutsinneqarnissaat.

Allaffissornermut tunngasut

Konto	Kontop taaguutaa	(1.000 kr)	(1.000 kr)	(1.000 kr)	(1.000 kr)	i %
10	Qinikkanut aningaasartuutit	7.372	0	7.372	2.336.417	5.036 31,7%
11	Kommunip ingerlatsinera	69.869	0	69.869	23.139.662	46.729 33,1%
12	Kantinamik ingerlatsineq	491	0	491	402.333	89 81,9%
13	IT	9.564	0	9.564	2.358.977	7.205 24,7%
18	Akimortumik suliat	7.291	0	7.291	3.882.075	3.409 53,2%
Allaffissornermut tunngasut katillugit		94.587	0	94.587	32.119.464	62.468 34,0%

Allaffissornermut tunngasutigut ataatsimut katillugit 32,1 mio. koruuninik atuiffiusimavoq, ani-
ngaasaliissutini 94,6 mio. koruuniusuniit. Tassalu 34 procentinik atuisoqarsimalluni.

Kantiinamik ingerlatsinermi atuivallaartoqarpoq, tamatumanilu ilaatigut Sisimiuni A/S INI-p
akileeqataassutissani ukiup ingerlanerani kingusinnerusukkut akiliisarnera, ilaatigullu Maniitsumi
kantina suliariumannittussarsiuunneqannginera patsisaallutik.

2011-mi decembarip 31-aniit atuutilersumik kantiinamik ingerlatseqatigiinnermut isumaqatigiissut
Inissiaatileqatigiiffiup atorunnaarnikuuvaa, kisianni tamatuma kingorna maannakkuugallartumut
Sisimiuni kantiinamik atuigallarsinnaanermik kissaateqarnikuulluni.

Taamatuttaaq akimoortumik sulianut sippuilluni atuisoqarsimavoq 53,2 procentimik 7,2 mio.

Koruuniusuni aningaasaliissutini, atuivallaarnerup pingaarnertut peqqutigivaa sillimasiinnermut
nakkutilliinnermullu ukioq 2013-mut akilerneqareersimammat.

Inuutissarsiuutitigut Kommunip ingerlatsivia

Inuutissarsiuutitigut kommunip peqataaffii		Missing.	Tapilius.	Akuersis.	Atuineq	Sinneri	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	%-inngorl.
37	Inuutissarsiuutitigut kommunip peqataaffii	3.961	0	3.961	2.665.879	1.295	67,3%
Katillugit		3.961	0	3.961	2.665.879	1.295	67,3%

Inuutissarsiuutitigut kommunip peqataaffiisigut 67,3 procentinik atorneqarsimapput, aningaasaliis-
sutini 3,9 mio. koruuniusuniit.

Kiffartuussinissamut isumaqatigiissut naapertorlugu Qeqqani Inuutissarsiornermut Siunnersuiso-
qatigiinnut ukiup 2013-ip affaanut siumoortumik akiliuteqarsimanermik, kiisalu Arctic Circle Race-
mut ukiumoortumik tapiissuteqarnermigut peqquteqartumik atuivallaartutut isikkoqartitsivoq.



**Aningaasaqarnermut ataatsimiititaliap maajip 28-ani 2013-imi ileqquusumik ataatsimiinnerata
05/2013-ip imaqarnilornera**

Akilerarutit akilerneru, tapiissutit naligiissaarinerlugu

Isertitat erniallu		Missing.	Tapilius.	Akuers.	Atuineq	Sinneri	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	%-inngorl.
80-01	Inuit isertitamikkut akileraarutaat	-294.474	0	-294.474	-73.592.781	-220.881	25,0%
81-01	Selskabit akileraarutaat	-4.000	0	-4.000	213.601	-4.214	-5,3%
83-01	Ataatsimoortumik tapiissutit nalimmassaatillu	-298.958	0	-298.958	-100.682.668	-198.275	33,7%
Katillugit		-597.432	0	-597.432	-174.061.848	-423.370	29,1%

Qeqqata Kommunia akilerarutitigut, tapiissutitigut naligiissaarutitigullu 174 mio. koruuninik aningaasaliissutinit 597,4 mio. koruunini isertitaqarpoq. Tassalu isertitat 29,1 procentiullutik. Inuit akileraarutaat Namminersorlutik Oqartussaniit qaammammik ataatsimik nikingasumik tiguneqartarput, atuinikinnerunermullu tamanna patsisaavoq. Selskabit akileraarutaat ukiumut ataasiartumik tunniunneqartarput – nalinginnaasumillu tamanna ukiup nutaap aallartinnerani januaarimi pisarluni.

Isertitat allat nalikilliliinerillu

Isertitat erniallur		Missing.	Tapilius.	Akuersis.	Atuineq	Sinneri	Atuineq
Konto	Kontop taaguutaa	(1.000 kr)	(1.000 kr)	(1.000 kr)		(1.000 kr)	%-inngorl.
85-01	Erniatigut isertitat	-1.791	0	-1.791	-23.146	-1.768	1,3%
85-02	Erniat akilikkat	0	0	0	0	0	
85-04	Ininik attartortitsinermi aningaasaliissutit erniaat	-11.185	0	-11.185	-2.825.379	-8.360	25,3%
86-01	Isertitat allat	-4.000	0	-4.000	-23.279	-3.977	0,6%
86-02	Illuurtinik tunisineq	-1.520	0	-1.520	-97.360	-1.423	6,4%
86-03	Sanaartorfigissaanermut akiliut/kuuff.attaviliineq	-3.080	0	-3.080	-232.257	-2.848	7,5%
88-00	Isumakkeerinnineq/nalikilliliineq	1.100	0	1.100	-12.321	1.112	-1,1%
Katillugit		-20.476	0	-20.476	-3.213.742	-17.262	15,7%

Qeqqata Kommunia allatigut isertitani aningaasaliissutinit 20,5 mio. koruuniniit 3,2 mio. koruunit isertinneqarsimapput. Isertitat procentinngorlugit 15,7 procentiullutik.

Erniatigut isertitakkat (85-01) ukiuni kingullerni pingasuni aningaasat tigorianaanatit ilutigalugit appariartulersimapput, 2012-mi qaammattini sisamani siulliusuni 2013-mi immikkut ittumik aningaaserivimmuut erniatigut isumaqatigiissusiortoqannginnerata kingunerinik. Ukiut sisamararterutaasut aappaani aningaasaliissutitigut aaqiisoqarnissaanik malitseqassaaq. Sisimiuni kommunip umiarsualiviutaa naammassereeripat (86-01) akitsuutitigut attartortitsinik-kullu isertitaqalernissaaq naatsorsuutigineqarpoq. Tamatumuuna isetitassat ukiup ingerlanerani kontomut allamut nuunneqarumaarput.

Illuurtinik tunisinikkut (kt. 86-02) taamatullu sanaartorfigissaanikkut/kuuffissuarnut attaviliinikkut isertitat (kt.86-03) nalinginnaasumik periarfissaatillugu suliarineqartarput, nalinginnaasumillu ukiup aallartinneranit qaammattini siullerni pingasuni atuineq annikinnerusarluni.

Ukiup naanerani uninngasuutissat naatsorsuutigisat

Ukiup naanissaanut pigisat nalillit 26,7 mio. koruuniniit 25,4 mio. koruuninut appariaateqarnissaat naatsorsuutigineqarpoq. Taamatut naatsorsuuteqarnermut ukiup 2013-ip aallartinnerani aningaasat tigorianaanat, 2013-imullu missingersuutitigut ingerlatsinikkut naammassisassatut naatsorsuutigisani, kiisalu isertitat atortitallu iluanni nikisitani naatsorsuutigisani (20-20-60 illuliornermi aamma-lu piginneqatigiilluni inissiaatileqatigiiffinnut illuliornermut attartortitat) taamatullu massakkumut immikkut aningaasaliissutitigut (missingersuutini akuerineqartut saniatigut) akuersissutinik aallaaveqarput.



**Aningaasaqarnermut ataatsimiititaliap maajip 28-ani 2013-imi ileqquusumik ataatsimiinnerata
05/2013-ip imaqarniliornera**

2013-ip aallartinnerani aningaasaatit	26.734.000
Ingerl. inernerusut, 2013-mut missingersuutininut naleqqiullugu	6.237.000
Isertat atortitallu, 2013-mut missingersuutininut naleqqiullugu	-8.400.000
Aningaasat missingersuutip saniatigut ilassutaasut, illutaarn. Atukkat	-198.000
Aningaasat missingersuutip saniatigut ilassutaasut, ingerlatsinermi	1.025.000
Karsimiittuutit nikerarnerat katillugit	-1.336.000
2013-imi aningaasaatit tigorianaanaat	25.398.000

Suliffeqarfinni killiliussaqaarfiusuni aningaasat atunngitsuukkat (480 tusind koruuninit), aningaasaateqarfinnit (522 tusind koruuninik) aningaasaliissutit atunngisat, taamatullu sanaartugassatigut aningaasaliissutigeqqitat (12,0 mio. koruuninik), kiisalu piginneqatigiilluni illuliortuni attartortitassatut akuersissutaasut sulit tunniunneqanngitsut (8,9 mio. koruuninit) nuunnerisigut, 2012-imut naatsorsuutit naammassinerinut atatillugu aningaasaatit 21,9 mio. koruuninik appariaqqissammata. Tamatuma malitsigisaanik 31.12.2013-imi, 3,5 mio. koruuni aningaasaateqarnissaq naatsorsuutiginerpoq.

Kommunit naatsorsuusiortarnerat il.il. pillugit Namminersorlutik Oqartussat nalunaarutaat nr. 13, 26.07.2010-meersumi 5 procentimik uninngasuuteqarnissamik piumasaqaat 2012-imi apriliip aallaqaataaniit atorunnaarsinnerpoq. Kommunit missingersuusiortarnerat, aningaasanik tigorianaanaateqarnerat, naatsorsuutaat, kukkunersuuisoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaanni nr. 3, 3. februar 2012-imeersumi § 3, imm. 4-mi aalajangersarneqarpoq, ingerlaavartumik pisussaaffiit akilerneqartarnissaannut naammattumik kommunit sukulluunniit aningaasanik tigorianaanaateqassasut.

Kommunalbestyrelsi missingersuusiortarnermigut ukiuni aggersuni ukiunut missingersuusiortarnerinut qanoq aningaasanik tigorianaanaateqarnissaq sukumiinerusumik aalajangersartarpa.

Akiitsut

Qeqqata Kommunianut akiitsut 02.05.2013-imi 62 mio. koruuniupput, 02.04.2013-imi naatsorsuutimut sanilliullugit 2,5 mio. koruuninik qaffariarsimallutik.

Sisimiuni sanaartorfigissaanikkut/kuuffissuarnut akiligassiissutitigut, tamalaatigut akiligassatigut (siorarnerinerit, savimernit eqqagassat, ikuallaanermut il.il.), eqqaavilerinermut, Sisimiunilu siu-moortumik meeqqanut akilersuutininut tunniunneqartutitigut, taamatullu Maniitsumi eqqaavilerinerit utertitassanillu ikiorsiissuteqartarnikkut akiitsut qaffariarnerinut pingaarnertut patsisaapput.

Ukiunut siulianut sanilliullugu 02.05.2012-imi 3,8 mio. koruuninik qaffariaateqarpoq. Peqqutaasut pingaarnertit ilagaat qaffariarsimaneranut meeqqanut akilersuutininut tunniunneqartartut Sisimiuni.

Innersuussut

Aningaasaqarnermut ataatsimiititaliamut innersuussutigineqassaaq

nalunaarusiaq akuersissutigineqassasoq

Aalajangiineq

Innersuussutigineqartoq akuersissutigineqarpoq.

Ilanngussat

1. Qeqqata Kommuniani ataatsimiititaliap qaffasisusaanut naleqqiullugu aningaasat killiffianut takussutissaq
2. Akiitsut allattorsimaffiat 2. maj 2013-imi



Imm. 03 Maniitsumi Ilaqutariinnermut immikkoortortami 2013-imut missingersuutit pillugit missingersuutitigut nuussinissamut qinnuteqaat

Journalnr. 06.02.04

Tunuliaqutaq

Maniitsumi Ilaqutariinnermut immikkoortortami konto 4-mi missingersuutitigut nuussinissamut innersuussut, Aningaasaqarnermut ataatsimiititaliap 2012-imi novembarip 27-ni imm. 5 ataatsimiinnermini akuersissutigaa.

2013-imi missingersuutitigut nuussinissamik siunnersuuteqarportaaq. Missingersuutitigut nuussinerit ilaat 2014-imut missingersuutinut ukiunullu missiliuuteqarfinnut ilanngunneqarnissaat siunnersuutigineqarput, pissutsit atuuttuni imm. c naapertorlugu.

Maniitsumi Sisimiunilu 2011-mut naatsorsuutinut kukkunersuinnermut atatillugu, kontoni pingaarnerni 41-mi 47-milu ataasiakkaanik atuiffiunerusunik kukkunersuisut ilaatigut maluginiagaqarput. Pingaarnertut kontoni taakkunani aamma atuinikiffiunerusoqarpoq, taakkulu atuiffiuvalaartunut tamakkiisumik ilaannakortumilluunniit matussusiipput. Kukkunersuisulli oqaaseqaataasa takutippaa, ukiup ingerlanerani missingersuutitigut nuussinissamik annerusunik allaffeqarfimmit siunnersuuteqartoqartassasoq, taamaalillutik pingaarnertut kontoni ataasiakkaani missingersuutit iluarsisat naatsorsuutinut naatsorsuutigisat naapertuunnerulissallutik.

Maleruagassatigut tunngavissaq

Qeqqata Kommuniani karseqarnermut naatsorsuuserinermullu malittarisassat.

Qeqqata Kommuniani aningaasaqarnermik aqutsinermik missingersuutinillu malitsitsinermut atuagaq najoqqutassaq.

Pissutsit atuuttut

Missingersuutitigut nuussinerit aningaasartuuteqarfiunngillat. Piffissami matumani siusissumi naliliiffigineqarpoq, 2013-imi atuneq missingersuutitigut sinaakkutinut naapertuutissasut. Sinaakkutilli iluani ilassutaasumik aningaasaliissuteqartoqarnissamik pisariaqartitsisoqarnissaa naatsorsuutigineqarsinnaavoq. Tamannali piffissami matumani naliliiffigineqarnissaanut siusippallaarpoq.

Nuussinissamut siunnersuutit tullinnguuttutitigut tunngaviit patsisillu aallaavigineqarput:

- a) Kukkunersuisut oqaaseqaataasa kingunerisaanik, siunnersuutit pissutsinut naapertuuttunngortinneqarnissaat pingaarnertut siunertaavoq.
- b) Pingaarnertut kontoni ataasiakkaani siunnersuutit aningaasartuuteqassanngillat. Ima paasillugu, politikkikkut aalajangikkanut naleqqiullugu allannguutit siunertaanngitsut imaluunniit paasiuminaattut ingerlanneqaratik, ataatsimut isigiuminarneri pigiinnarneqassallutik.
- c) Kiffartuussinermut immikkoortup nuussinermullu isertitat akornanni nussinissat siunnersuutigineqanngillat. Missingersuutitigut nuussinermi, kiffartuussinermut immikkoortumi missingersuutaasut nuussinikkut annertusineqaratillu ajornerulersinneqassanngillat. Nuussinissamik pisariaqartitsisoqalissappat, tamanna ilassutaasumik aningaasaliiffigineqarnissamut qinnuteqaatit ingerlanneqassaaq.
- d) Immikkoortulli arlaqartut aqukkuminaattuummata, inaarutaasumik naatsorsuutit nikinganeqartuassapput.
- e) Konto 43 siusinaartumik pensionit, konto 47 utoqqarnik isumaginninneq kiisalu konto 48 innarluutilinnut immikkoortortamut tunngasunik siunnersuutit 2014-imi aamma atuutissapput.



**Aningaasaqarnermut ataatsimiititaliap maajip 28-ani 2013-imi ileqquusumik ataatsimiinnerata
05/2013-ip imaqarnilornera**

Siunnersuutit ilaannut tullinnguuttutigit aamma maluginiaqquneqassaaq:

Konto 43, siusinaartumik pensionit:

2002 sioqqullugu siusinaartumik pensionisiallit soorunami annikilliarporput. Pensionit tunniunneqartartut 90 procentii utertinneqartartut, 2002-ili kingorna siusinaartumik pensioninut tunniunneqartartunut utertinneqartartut 50 procentiinnaapput.

Konto 47, utoqqarnik isumaginnineq:

Siusinaarlutik pensionisialinnut angerlarsimaffimmi ikiorteqartarnerinut naatsorsuutitut allattuivinnik kommuniusimasumi kontoqartarsimavoq. Kontot tamakku maannakkut atorneqarneq ajorput peerneqarnissaallu siunnersuutigineqarluni. Taamatutaaq innarluutillit Neriusaami najugaqartut amerliarporput, siunissamilu amerlanerulernissaat naatsorsuutigineqarluni.

Konto 48, innarluutilinnut immikkoortorta:

2011-mi kommunip naalagaaffimmit tapiissutit tigusartagai, pingaartumik Danmarkimi ulloq unnuarlu najugaqarfinnut akiliutissatut tigusartagai, ukiup naanerani pisariaqartitamit annerusut takutippaat. Tamanna kommunimut tamarmut atuuppoq.

Kommunimi innarluutilinnut immikkoortortamut missingersuutitigit aningaasaliissutit innarluutilinnut immikkoortortamiitiinnarnissaat pingaaruteqarluinnartoq, politikikkut ersarissumik nalunaarutigineqarpoq. Innarluutilinnut immikkoortortami aningaasaqarneq kommunip Namminersorlutik Oqartussallu isumaqatigiissutigisussaavaat, taamaattumik immikkoortortami aningaasaqarneq annikillisaavigineqassanngilaq.

Tamanna tunngavigalugu konto 48-p kontollu allat akornanni missingersuutitigit nuussinissamik siunnersuuteqartoqassanngilaq.

Pineqartoq uani allanneqassaaq

Konto	Taaguutaa	Aningaasa- liissutit	Naatsorsuuti- gisamik atuineq	Aningaasaliis- sutissatut pisari- aqartinneqartut
43-01-20-30-01	Aningaasat tunng/sioqq. Soraarn. 1/1-02 sioqq.	6.415	6.015	-400
43-01-20-31-01	Meeqqamut tapeq /sioqq. Soraarn. 1/1-02 sioqq.	334	234	-100
43-01-20-31-02	Inummut tapeq / sioqq. Soraarn. 1/1-02 sioqq.	400	100	-300
43-01-20-82-00	Namm. Oqart. Tapiissutit / sioqq. Soraarn. 1/1-02 sioqq.	-6.331	-5.931	400
43-02-20-30-01	Aningaasat tunng/sioqq. Soraarn. 1/1-02 kingorna	8.771	8.991	220
43-02-20-30-02	Kaasarfimmiussat / sioqq. Soraarn. 1/1-02 kingorna	227	307	80
43-02-20-31-02	Meeqqamut tapeq / sioqq. Soraarn. 1/1-02 kingorna	280	430	150
43-02-20-82-00	Namm. Oqart. Tapiissutit / sioqq. Soraarn. 1/1-02 kingorna	-4.639	-4.689	-50
47-02-60-01-11	Angerlarsimaff. Ikiorteqart./ Akunnermusiat	196	254	58



**Aningaasaqarnermut ataatsimiititaliap maajip 28-ani 2013-imi ileqquusumik ataatsimiinnerata
05/2013-ip imaqarnilornera**

47-02-60-05-00	Sulisunut aningaasartuutit	20	22	2
47-02-61-01-11	Sioqq. Soraarn./angerl. Ikiorteqart./Akunnermusiat	58	0	-58
47-02-61-05-00	Sulisunut aningaasartuuti	2	0	-2
47-02-70-01-11	Angerl.ikiorteqart./Napasoq akunnermusiat	36	51	15
47-02-71-01-11	Angerl.ikiorteqart./Napasoq akunnermusiat	15	0	-15
47-02-80-01-11	Angerl.ikiorteqart./Atammik akunnermusiat	372	452	29
47-02-80-05-00	Sulisunut aningaasartuutit	1	2	1
47-02-81-01-11	Atammimmi suliunnaarn. Angerl.ikiorteqart./Akunnermu siat	29	0	-29
47-02-81-05-00	Sulisunut aningaasartuutit	1	0	-1
47-09-20-15-00	Atortussanik pisineq	477	447	-30
47-09-20-15-05	Ulluunerani ornittagaq	0	80	80
47-09-20-16-00	Nerisaqartitsineq	975	925	-50
48-00-20-01-10	Qaammammusiat	667	800	133
48-00-20-01-11	Akunnermusiat	0	100	100
48-00-20-05-00	Sulisunut aningaasartuutit	0	486	486
48-00-20-12-00	Allat sullissineri	0	50	50
48-00-20-82-03	Innarluutilinnut aningaasartuutit agguagassat	769	0	-769
48-02-20-30-02	Annaasanut matussutissat	484	284	-200
48-02-20-31-02	Inummut tapit	375	675	300
48-05-20-01-10	Qaammammusiat Naapiffik	222	622	400
48-16-20-42-00	Meeqqat innarluutillit najugaat Akit aalajangersakkat	400	0	-400
48-17-20-42-00	Inersimasut innarluutillit najugaat akit aalajangersakkat	2.300	2.600	300
48-18-20-42-00	Paaqqutarisariallit angerlarsimaff. Akit aalajangersakkat	1.607	2.343	736
48-18-20-42-01	Ulluunerani innarluutilinnut sammisassaqartitsineq	0	364	364
48-20-20-42-00	Meeqqat innarl. Najugaat DK- mi Akit aalajangersakkat	400	0	-400
48-21-20-12-00	Inersimasut innarl. Najugaat DK-mi tikeraarneq	1.224	924	-300
48-21-20-42-00	Inersimasut innarl. DK-mi najugallit akit aalajangersakkat	8.400	7.600	-800
	Aningaasaliissutit pisariaqartinneqartut katillugit			

Aningaasaqarnikkut allaffissornikkullu kingunerisinnaasai
Annerusumik oqaaseqaatissaqanngilaq.



Qullersaqarfiup oqaaseqaatai
Immikkut oqasissaqartoqanngilaq

Allaffeqarfiup naliliinera
Annerusumik oqaaseqaatissaqanngilaq.

Allaffeqarfiup innersuussutaa

Innersuussutigineqarpoq

- Suliaq Aningaasaqarnermut ataatsimiititaliamut nassiunneqassasoq, 2013-imut missingersuutitigut nuussinissamut siunnersuutit akuerineqarnissaanik siunnersuutitalerlugu.
- Kontoni 43-mi, 47-mi 48-milu missingersuutitigut nuussinissamut siunnersuutit, 2014-imut missingersuutinut ukiunullu missiliuteqarfissanut siunnersuutinut ilanngunneqassasut.

Ilaqutariinnermut ataatsimiititaliami suliap suliarinera

Ilaqutariinnermut ataatsimiititaliap maajip 15-ani 2013-imi ataatsimiinnermini allaffeqarfiup innersuussutaa akuersissutigivaa.

Innersuussut

Aningaasaqarnermut ataatsimiititaliamut innersuussutigineqassaaq

2013-imut missingersuutitigut nuussinissamut siunnersuutit akuerineqassasut

Kontoni 43-mi, 47-mi 48-milu missingersuutitigut nuussinissamut siunnersuutit, 2014-imut missingersuutinut ukiunullu missiliuteqarfissanut siunnersuutinut ilanngunneqassasut.

Aalajangiineq

Innersuussutigineqartut akuersissutigineqarput.

Ilanngussaq

Ilanngussaqanngilaq

Imm. 04 Maniitsumi naluttarfittaarniaqatigiinnit qinnuteqaat

Journalnr. 63.02

Tunuliaqutaq

Maniitsumi ataqatigiisumik naluttarfissaq naatitsivissarlu pillugu pilersaarut, Maniitsumi naluttarfittaarniaqatigiit aamma Maniitsumi naatitsiviutillit Greens, ukioq ataaseq sinnerlugu sulissutigaat. Naatitsivittaarniarneq aningaasatigut imminut akilersinnaanngitsoq paasineqarmat, suleqatigiinneq 2012-ip ukiaani taamaatinneqarpoq.

Maanna naluttarfittaarniaqatigiit, naluttarfittaarniarnertik namminneerlutik ingerlappaat. Taamaattumik naluttarfittaarniaqatigiit 2013-imi apriliip 24-ani kommunimut allakkiornermikkut kissaatigaat, naluttarfittaarniarnerninnut kommunip tapersiutini allakkatigut nalunaarutigissagaa, naluttarfittaarniaqatigiillu aningaasanik pissarsinermikkut naluttarfimmik pilersitsisinnaappata ingerlatsinissamut kommuni qulakkeerissasoq. Tamatuma saniatigut naluttarfittaarniaqatigiit pilersaarummik ingerlatitseqqinnissaminnut, aningaasat siunertamut immikkoortinneqarsimasut tunniunneqarnissaannik kissaateqarput.

Maleruagassatigut tunngavissat

Kommunip pisussaaffiitut aningaasaqarnermut ataatsimiititaliaq akisussaavoq.

Pissutsit atuuttut

Naluttarfittaarniaqatigiisumasut aningaasanik katersaminnik kommunimut tunniussinerata kingunerisanik, Maniitsumi naluttarfittaarniaqatigiit 2011-mi pilersinneqaqqippoq. Naluttarfittaarniaqatigiit 1.237.878,72 koruuninik katersisimapput, taakkulu kommunip Grønlandsbanken-imi kontomi matoqqasumi uninngasuutigalugit. Tamatuma saniatigut Maniitsup Kommunerisimasaata, naluttarfittaarniaqatigiinnut 300.000 koruunit aningaasaliissutigisimavai. Aningaasat kingullertut taaneqartut taakkuupput, naluttarfittaarniaqatigiit tunniunneqarnissaannik kissaatigisaat.

Naluttarfittaarniaqatigiit kommunilu 2013-imi maajip 17-iani ataatsimiipput, ataatsimiinnermilu suleqatigiinneq eqqartorneqarluni. Ilaatigut isumaqatigiisutigineqarpoq, teknikkimut tunngatillugu suleqatigiinnermi teknikkikkut isumagisassat, Maniitsumi Teknikkimut Avatangiisinullu pisortamit isumagineqassasut, taamaakkaluartorli naluttarfittaarniaqatigiit siulersuisuvinut pineqartoq ilaasortaassanngitsoq.

Atuilluartuunissakkut kingunerisinnaasai

Maniitsumi kajumissutsiminnik naluttarfittaarniaqatigiit atuilluartuunissamik pilersaarummut aallarniutaalluarlutik, namminneq kajumissutsiminnik suliniartut ineriartornermut akisussaaffimmik annertuumik tigummipput. Ilutigalugu naluttarfik inuiaqatigiit peqqissuunissaannut tapertaalluassaaq, pingaartumillu ukiuunerani innuttaasut sammisaqarsinnaanissaannut periarfissiilluassalluni. Siunissami Maniitsumi naluttarfittaassagaanni, ikuallaavimmit kissamik pilersorneqassaaq.

Aningaasatigut allaffissornikkullu kingunerisinnaasai

Naluttarfimmik ingerlatsineq qularnanngitsumik millionerpaalunnik naleqassaaq, taamaakkaluartooq illoqarfimmiut pingaaruteqarluartumik sunngiffimminni sammisaqarsinnaalissapput. Taamaakkaluartooq naluttarfimmik ingerlatsineq akisuvallaannginniassammat, naluttarfiup pilersinneqarnissaa qulakkeerneqartariaqarpoq. Taamaattumik kommunimi Teknikkimut Avatangiisinullu Immikkoortorta q sulleqatigalugu pilersaarusiornissaaq, kingornalu sanaartornissaaq ataqatigiissaarneqartariaqarpoq.



Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfiup nalilerpaa, namminneq kajumissutsiminnik ingerlatsillutik naluttarfittaarniaqatigiit suliniutaat siunnersuutaallu kinguneqarluassammata tapersorsorneqartariaqartut. Taamaattumik innersuussutigineqassaaq, siunertamut aningaasat immikkoortinneqarsimasut tunniunneqassasut.

Innersuussut

Aningaasaqarnermut ataatsimiititaliamut akuereqqullugu innersuussutigineqarpoq.

Pilersaarusiornissamut naluttarfittaarniaqatigiit aningaasartuutissannut Maniitsup Kommunerisimasaata 300.000 koruunit aningaasaliissutigisimasai tunniunneqassasut.

Ingerlatsinissaminut kommuni qulakkeerinnissasoq, imaluunniit ingerlatsinermi aningaasartuutaajumaartussat eqqarsaatigalugit naluttarfissaq illersorneqarsinnaasumik pilersinneqarsinnaassappat naluttarfittaarniaqatigiinnik ingerlatsinissaq isumagineqassasoq

Naluttarfittaarniaqatigiit suleriaqqinnissaannut kommuni allakkatigut tapersiuteqassasoq

Aalajangiineq

Innersuussutigineqartut akuersissutigineqarput.

Ilanngussat

1. Naluttarfittaarniaqatigiit 2013-imi apriliip 24-ani kommunimut allakkiaat
2. Aningaasaqarnermut ataatsimiititaliap 2012-imi aggustip 14-iani ataatsimiinnerani imm. 21-p eqqartorneqarnera pillugu imaqarniliaq

Imm. 05 Sisimiut 2014-imit 2017 tikillugu ineriartortinneqarnissaa

Journalnr. 17.02 konto 77.

Tunuliaqutaq

Illoqarfiup ineriartortinneqarnissaani tulleriiarinissaq, taamaalillunilu sanaartorfigissaanissamut aningaasalersuinissaq eqqarsaatigalugit, kommunip pilersarusiorfigineqarnerani periarfissat politikikkut tulleriiarneqarnissaat pisariaqarpoq.

2014-imit missingersuusiornissaq, kommunip pilersarusiorneqarneranut tapiliussassaq, sanaartorfigissaanissallu tulleriiarneqarnissaat eqqarsaatigalugit, ukiuni aggersuni illoqarfik sua-tungaanut ineriartortinneqarnissaa pillugu kingusinnerpaamik aggustip qaammataani aalajangiisoqarnissaa pisariaqarpoq.

Maannakkut Umiivitsiap kujataa-tungaani ilinniartunut inissiaqarfik immikkoortorta 800 – A 53, Kangerluarsunnguamilu inuutissarsiorfissaq B8 kisimik sanaartorfigissarneqarput. Maannakkut illoqarfimmi, pingaartumik Akiani A20-mi sanaartorfissat tallimaannaapput, taamatullu ilaqtariinnut arlalinnut inissiat 36-t missaat kiisalu ilaqtariinnut ataatsinut illussat marluk.

Maleruagassatigut tunngavissat

Pilersarusiorneq aamma nunaminertat atorneqartarnerat pillugit [Inatsisartut inatsisissaat nr. 17, 17. november 2010-imeersoq](#).

Sanaartorfissagissaaneq, pisortat kuuffeqarfinnut aqquersuutaat aamma pisortat aqquiniutaat pillugit [Inatsisartut inatsisissaat nr. 16, 17. november 2010-imeersoq](#)

Pissutsit atuuttut

Ukiut qulit missaasa ingerlanerini, illoqarfiup ineriartortinneqarnissaani Akiani ilaqtariinnut illulioriternerit pingaartumik ingerlanneqarsimapput.

Pilersaarut siornatigut akuersissutigineqarsimasoq naapertorlugu Danmark-imi Trafikstyrelsen-ip (Statens Lufthavnsvesen) immikkut akuersissummik tunniussinnginnera pillugu Akiata ineriartortinneqarnera unittoqqagallarpoq. Immikkoortuni A22-mi A23-milu (kommunip pilersarusiorfigineqarneranut tapiliussaq 41) sanaartukkat ilaat, mittarfiup eqqaani qutsissuseq 55 meteri qaangerneqaaqquusaanngitsoq qaangeqqammatigut immikkut akuersissummik peqqaartussaavugut. Tamatumani aamma najugaqarfissiasamut sineriak sinerlugu aqqusinnaasaaq aamma taamatorluinnaq ippoq. Qullersuit il.il. pillugit aqqusiq kote 49 qaangerlugu pilersinneqaaqquusaanngilaq. Kommunip pilersarusiorfigineqarneranut tapiliussaq nr. 41 naapertorlugu aqquserngup ilaa kote 53,5-imiippoq, taamaattumillu immikkut akuerineqartariaqarluni.

Immikkut akuersissuteqarani sanaartortoqassappat, mittarfik timmisartunit miffigeqqusaajunnaasaaq.

A22-mi A23-milu nutaamik sanaartorneq aallaavigalugu timmisartut mittarfimmut mikkiartortarnerat tingisarnerallu qanoq isumannaatsiginerat paasiumallugu, kommuni 2012-ip upernaani nalilersuisitsivoq. Nalilersuereernerimi, immikkut akuersissummik tunniussinissaq ersarissummik innersuussutigineqarpoq. Naatsumik nassuiaatigalugu ima oqaatigineqarpoq, timmisartut sanaartorfiginiakkap nalaanniikkunik, qanoq pisoqaraluarpalluunniit ajunaassasut. Timmisartut silaannarmi aqqustissaannik qulakkeerinnittumik, naak timmisartut aallarniartillutik mikkiartortilluunniit motoritigut ajornartorsiuteqalissagaluarpata, isumannaallisaaneq pillugu akuersissummi atuuttumi aalajangersimasumik aqqustissaqarput.

**Aningaasaqarnermut ataatsimiititaliap maajip 28-ani 2013-imi ileqquusumik ataatsimiinnerata
05/2013-ip imaqarnilornera**

Mittarfeqarfiit aamma Namminersorlutik Oqartussat, Statens Lufthavnsvæsen-imut innersuussuteqarnikuummata, immikkut akuersissummik tunniussisoqarnissaanut isumalluarnarpoq. Taamaakkaluartoq Mittarfeqarfiup aamma Statens Lufthavnsvæsen-ip suliaq manna tikillugu ukioq ataaseq sinnerlugu suliaarat.

Taamaattumik immikkut akuersissuteqarnissaq sivitsussappat, immikkulluunniit akuersissummik tunineqassanngikkaluarutta suut periarfissaanersut misissornerqarput.

Qeqqata Kommuniata pilersaaruserfigineqarnerani, Sisimiuni najugaqarfissiatut tullinnguuttut immikkoortinneqarnikuupput:

A53-imi Umiivitsiap kujataa-tungaani ilinniartunut najugaqarfissiaq, A51-imi Paaraarsummi najugaqarfissiaq, A50-imi Berthelsenip aquserngani najugaqarfissiaq kiisalu A52-imi Qiviarfimmi/Nikkorsuarni najugaqarfissiaq. Illoqarfimmi sanaartukkat eqikkarniarlugit, taamaalillunilu pilersuinermi attaveqaatit pitsaanerusumik atorluarneqarnerunissaat kiisalu Akianut tunngatillugu immikkut akuersissummik tunineqarnissarput utaqqineqassappat periarfissat qulakkeerniarlugit, najugaqarfissiat taakku kommunip pilersaaruserfigineqarneranut ilanngunneqarnikuupput.

Tamatuma saniatigut Akiani C14-imi, C15-imi A26-milu sanaartornermut atatillugu, immikkut akuersissut utaqqinngikkaluarlugu sanaartortoqarsinnaavoq.

Immikkut akuersissummik tunineqaraluarutta immikkoortortat A22 – A23 aamma A 28 – A 32, ukiup ataatsip marlulluunniit ingerlanerini ilanngunneqarsinnaassapput.

Najugaqarfissiat assigiinngitsut, sanaartukkat qanoq ittuunissaannik naatsorsuutigisat ilanngullugit takussusiorneqarnerat.

	Ilaqutariinnut ataatsinut illut – siammassissunik pukkitsunillu sanaartukkat	Uiguleriit - sanaartukkat akulikitsut/pukkitsut	Marlunnik quleriillit	Pingasunik amerlanerusunillu unniit quleriillit	Illut Katillugit annerpaamik	Pilerinartumik inissisimasut 1 - 5
A 50	10 el	20			20	4-5
A 51	9 el 20	12	94	40	164	3 - 5
A 52				36	36	3 - 4
A 53				400	400	5
A22 A23	9	32	36	75	152	2-4
A 26			30	24	54	3-4
A 28	10			32	42	4-5
A 29	3			32	35	3-4
A 30	8			50	58	4-5
A 31	6				6	5
A 32	6			32	38	3-4

Katillugit sanaartukkat nutaat nuuffissatut naatsorsuutigineqartut 1004 tikillugit; Paamaap Kuuani nutarterinerup, inissiarlu ataaseq aallaavigalugu innuttaasut ikilinerisa kingunerisaanik.

Maluginiarneqassaaq, sanaartugassat amerlassusissaat eqqoriaanertut, katinnerilu annerpaatut amerlassusissatut isigineqassammata. Sanaartukkat qanoq ittut, qanorlu angitigisut sanaartorniarnaqartussat inaarutaasumik pilersaarutinut ilanngunneqartussat apeqqutaallutik, sanaartugassat qanoq amerlatigissanersut apeqqutaavoq.



Aningaasaqarnikkut allaffissornikkullu kingunerisinnaasai

Illoqarfiup ineriartortinneqarnissaa qulakkeerniarlugu, ukiuni tulliuuttuni kommuni pilersaarusiortifigineqassaaq, soorlutaaq sanaartorfigissaanissat aningaasaliiffigineqassasut. Suliassat eqqarsaatigalugit siunissamut ungasinnerusumut pilersaarusiortutta, kingunissai annerussapput. Innaallagissap erngullu aqputaanut kiisalu ilaatigut avammut kiammik pilersuinermut peqataanissaat qulakkeerniarlugu Nukissiorfiit suleqatigineqassaaq. Tamanna pillugu oqaloqatigiinnissaq aallartinneqassaaq. Sanaartorfigissaanermi eqqoriaaginnarluni akigititassat ilanngussaq 3-mi takussusiorneqarput.

Sanaartortitsisut assigiinngitsut sanaartugassat assigiinngitsut ujartugaat eqqarsaatigalugit periarfissaqartuutitsinngikkutta, assassortut suliffissaaleqinissaanni, periarfissanillu annaasaqarneq aningaasatigut annertuumik kinguneqassaaq. Tamatuma saniatigut sanaartortitsisussanut assigiinngitsunut sanaartorfissat assigiinngitsut neqeroorutigisinnaagaluarutsigit, Sisimiuni unammillernermik aallartitsissaaq.

Atuilluartuunissamut kinguneqaatissat

Siunissami illoqarfiup ineriartortinneqarnissaani sapinngisamik atuilluarfiusinnaasut atorluarneqartarnissaat anguniagaavoq. Atuilluarfiusinnaasut immikkoortortassani tamani tamaasa ilanngutinngikkaluarlugit, tullinnguuttumi assersuutit taakkartorneqarput:

- Immikkoortortani pisuinnarluni sikkilerluniluunniit angalasinnaaneq ajornaallisinniarlugu soqutiginarsisinniarlugulu, pisuinnaat sikkilillu aqputaannik pilersitsineq – motorilinnik angallatilinnut nalilliullugu avatangiisinut mingutsitsinnginnerullunilu ulluinnarni timi atorneqarnerusinnaavoq.
- Nukissiuutitigut pilersuviit ataatsimut eqqarsaatigalugit, nukinnik atuilluarneq. Assersuutigalugu avammut kiammik pilersuineq annertusillugu, ikuallaavimmit kissap sinneruttup atorneqarnera.
- Assersuutigalugu avammut kiammik pilersuineq ilutigalugu erngup kuuffissuillu aqputaat qerisoornissaat pinaveersaarniarlugu taakkununga kissamik pilersuilluni, pilersuviit pilersinneqarnissaanni ataatsimoortumik iliuseqarniarneq.
- Assersuutigalugu najugaqarfissiani qitiusumik pinnguartarfiliilluni ataatsimoortarfiliillunilu innuttaasunut pitsaasumik atugassaqartitsineq tunngaviutillugu sanaartortoqarnissaa aqputissiuukkusunnarpoq.
- Meeqqeriveqarfiit allallu sanaartukkanut naleqqussarlugit sanaartorneqarnissaat periarfissillugu.
- Illoqarfiup qiterpasissuani amerlanerusumik pilersitsilluta illoqarfik ineriartortikkutsigu, assartuussinerit ikilinerussapput, soorlutaaq aqquserngit aqputillu naannerusut pilersinneqarlutillu ingerlanneqassapput.

Qullersaqarfiup oqaaseqaataa

Annerusumik oqaaseqaatissaqanngilaq.

Allaffeqarfiup naliliinera

Allaffeqarfik isumaqarpoq, ineriartortitsinissami pilersaarusiornissami assigiinngitsunut siunertanut sanaartorfissat pigineqarnissaat sammissallugu pingaaruteqartoq. Matumani najugaqarfiliassatut pisariaqartit assigiinngitsut eqqarsaatigineqarniassammata, naak pisariaqartinneqartut nikerarsinnaasaraluartut, Namminersorlutik Oqartussammi suliniarfii allanngorartaqimmata, taamaalillunilu aamma aningaasaleeriaaseq allanngortarluni. Ilaqutariinnut ataatsinut najugaqarfiliorneq soqutigineqariarluni, qanoq pisoqanngitsoq inissiaatileqatigiiffinnik inissialiornissaq soqutigineqartarpoq.



Oqaatigineqassaaq, illoqarfiup qiterpasissuani, aamma utoqqaat angerlarsimaffiat innarluutilillu ornittagaat, pisinnaanerusullu namminneq pisiniarfiliarsinnaanissaat eqqarsaatigalugit, innarluutilinnut utoqqarnullu najugaqarfissianut immikkoortitsisoqartariaqarmat. Innuttaasut taakku immikkut sammineqartariaqarput, minnerunngitsumik kommunip Namminersorlutik Oqartussanut missingersuutitigut kissaataanni taakkunnunga inissialiortiternissat annertuumik pingaartinneqarmata.

Najugaqarfissiani sanaartorfigissareernikuusuni Akiani 24-t missaannik, aamma Umiivitsiap kujataa-tungaani A53-imi ilinniartunut inissiassat taakku 400-t affaasa missaat ilaqutariinnut inissiannngortinneqaraluarpata, 100-t missaannik quleriinni inissialiortoqarsinnaaneranik periarfissaqarpoq. Ilinniartunut inissianut pioreersunut atatillugu ilinniartunut inissiat 200-t missaanniittunut inissaqartitsisoqarsinnaanissaa ilimagineqarpoq. Sukkulaatiliorfiup eqqaani, inginiørinngornianut inissiat eqqaanni kiisalu Sanaartormik Ilinniarfimmi ilinniartunut inissiat pioreersut nutaannngorsarneqarnerasigut.

Ilaqutariinnut ataatsinut sanaartukkat saniatigut, sanaartukkat pukkillutik siammasissunik pukkitsunillu sanaartukkat, piginneqatigiilluni inissiaasinnaasut siunissami qaninnerusumi amigaatigissavagut.

A22-mi aamma A23-mi kiisalu A50-imi aamma 51-imi taama ittunik sanaartugaqarpoq, taamaattumillu immikkut akuersissummik tunineqanngikkaluarutta tunineqaraluartuttaluunniit siunissami qaninnerusumi pisariaqartinneqartut naammassisinnaavagut. Taamaakkaluartoq A28 – A32-mi periarfissaqarneruvoq.

Immikkoortut A53-imi aamma A52-imi aqqutissiaqarmat, taakku kisimik sanaartortitsisunut neqeroortigineqarsinnaapput. A22/23-mut pilersaaruteqareerpoq, aqqusiornissarli ukiumik ataatsimik sivilissuseqassaaq. Sanaartorfigissaanissamik aalajangiisoqareerpat, immikkoortortat allat sanaartortitsisussap siunnersuusiorfigissavai (pilersaarutissatut siunnersuut), pilersaarusiornissaq suliariumannittussarsiuunneqassaaq, pilersaarusiormillu suliaqartoq peqatigalugu pilersaarutitigut tunngaviit naleqqussarneqariarlutik inaarutaasumik akuersissutigineqassaaq, kingornalu suliasat suliariumannittussarsiuunneqarlutik. Tamanna ukiup ataatsip missaanik sivilissuseqassaaq. Tamakku pereerpata, sulinermi aqqutissaq kuuffissualersuiffissallu assanneqassapput, taakkulu aamma ukiup ataatsip missaanik suliarineqassallutik. Taamaattumik immikkoortortat taakku sanaartorfigissarneqarnissaannik aalajangiiffigineqarnerinit, minnerpaamik ukiup marluk qaangiuppata aatsaat sanaartorfissat sanaartortitsisussanut neqeroortigineqarsinnaanngussapput.

Allaffeqarfiup nalilerpaa, maannakkut kommunip pilersaarusiortigineqarnerani siunnersuutigineqartut illoqarfik ineriartortinneqaaqqissaguni, aggustip qaammataa sioqqullugu immikkut akuersissummik tunineqassagutta, najugaqarfissiat nutaat tullinnguuttut pingaarnersiorneqassasut.

Immikkut akuersissummik tunineqassagalarutta, tullinnguuttut tullerriaarisooqassasoq innersuussutigineqarpoq:

1. A22 + A23 (kpt. 41) kiisalu Akiani A28 – A32-mut aqquserngup nanginneqarnissaa.
2. A52 utoqqarnut inissianut innarluutilinnullu inissianut
3. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq
4. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.



5. A26 + C14 aamma C15 meeqqerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.

Immikkoortortat taakku sanaartorfigissarneqarnissaat eqqoriaaginnarluni katillugit 53 mio. koruuninik naleqqassangatinneqarpoq, agguaqatigiissilluguluunniit inissiamut ataatsimut 174.000 koruuneqassangatinneqarluni. Aningaasartuutissat ukiunut sisamanut-tallimanut agguataarneqarsinnaassapput.

Immikkut akuersissummik tunineqassanngikkaluarutta, tullinnguuttut pingaarnersiuisoqassasoq innersuussutigineqarpoq:

1. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq – periarfissatut A52. Qutsinnersanilu allani siammasissunik pukkitsunillu sanaartukkanut aamma akulikitsunik/ pukkitsunik sanaartukkanut kiisalu sanaartukkat marlunnik, pingasunik sisamanillu quleriit
2. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
3. A26 + C14 aamma C15 pisiniarfinnik, allaffinnik, meeqqerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.

Immikkoortortat taakku sanaartorfigissarneqarnissaat eqqoriaaginnarluni katillugit 41 mio. koruuninik naleqqassangatinneqarpoq, agguaqatigiissilluguluunniit inissiamut ataatsimut 158.000 koruuneqassangatinneqarluni.

Matumani Akiani A20-mit sanaartorfissanut A30-mut aamma A28-mut atsinnerusumik aqquinnioortoqarsinnaanissaanut pilersaaruserneqassaaq.

Erseqqissaatigineqassaaq, immikkut akuersissummik pissarsissanngikkutta, ilaqutariinnut ataatsinut aamma piginneqatigiilluni inissialiortiternissanut qinnuteqaatit akuerineqarnissaat ajornakusuulissammat.

Allaffeqarfiup innersuussutaa

Allaffeqarfiup innersuussutigaa, Teknikkimut Avatangiisinullu ataatsimiititaliap aamma Aningaasaqarnermut ataatsimiititaliap kommunalabestyrelsimut innersuussutigaa, Akianut tunngatillugu immikkut akuersissummik tunineqassagaluarutta, najugaqarfissiat tullinnguuttut pingaartinneqassasut:

1. A22 + A23 (kpt. 41) kiisalu Akiani A28 – A32-mut aqquuserngup nanginneqarnissaa.
2. A52 utoqqarnut inissianut innarluutilinnullu inissianut
3. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq
4. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
5. A26 + C14 aamma C15 meeqqerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.

Naatsorsuutigisaraluamit immikkut akuersissummik tunineqassanngikkaluarutta, najugaqarfissiat tullinnguuttut pingaartinneqassapput:

1. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq – periarfissatut A52. Qutsinnersanilu allani siammasissunik pukkitsunillu



- sanaartukkanut aamma akulikitsunik/ pukkitsunik sanaartukkanut kiisalu sanaartukkat marlunnik, pingasunik sisamanillu quleriit
2. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
 3. A26 + C14 aamma C15 pisiniarfinnik, allaffinnik, meeqquerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.



Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini allaffeqarfiup innersuussutaa akuersissutigivaa.

Innersuussut

Innersuussutigineqarpoq Aningaasaqarnermut ataatsimiititaliap kommunalabestyrrelsimut innersuussutigissagaa, Akianut tunngatillugu immikkut akuersissummik tunineqassagaluarutta, najugaqarfissiat tullinnguuttut pingaartinneqassasut:

1. A22 + A23 (kpt. 41) kiisalu Akiani A28 – A32-mut aqquuserngup nanginneqarnissaa.
2. A52 utoqqarnut inissianut innarluutilinnullu inissianut
3. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq
4. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
5. A26 + C14 aamma C15 meeqquerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.

Naatsorsuutigisaraluamit immikkut akuersissummik tunineqassanngikkaluarutta, najugaqarfissiat tullinnguuttut pingaartinneqassasut:

1. A51-imi qutsinnersaq utoqqarnut pisinnaanerusunut inissianik, innarluutilinnullu inissianik sanaartorfiussasoq – periarfissatut A52. Qutsinnersanilu allani siammasissunik pukkitsunillu sanaartukkanut aamma akulikitsunik/ pukkitsunik sanaartukkanut kiisalu sanaartukkat marlunnik, pingasunik sisamanillu quleriit
2. A50 siammasissunik pukkitsunillu sanaartukkanut aamma akulikitsunik/ pukkitsunik sanaartukkanut.
3. A26 + C14 aamma C15 pisiniarfinnik, allaffinnik, meeqquerivimmik aamma ulloq unnuarlu angerlarsimaffimmik sanaartornissaq kiisalu marlunnik – pingasunik quleriilinnik inissialiornissaq siunertaralugu.

Aalajangiineq

Innersuussutigineqartut akuersissutigineqarput.

Ilanngussat

1. Akiani sanaartorfigissagassat titartarnerat
2. Sisimiut kitaa-tungaani sanaartorfigissagassat titartarnerat
3. Imeq+innaallagiaq, missingersuut D ilanngunnagit sanaartorfigissaasitsinissami aningaasartuutissat.



Imm. 06 Ilinniartunut inissiaqarfissap sanaartorfigissarneqarnissaa, aningaasaliissutininuutsineq, sanaartorfigissaanermi akiligassat.

Journalnr. 23.03.03. Kt. 77-18.

Tunuliaqutaq

Umiivitsiap kitaa-tungaani, Eqqaaviullu avannaatungaani ilinniartunut inissianik nutaanik sanaartornissamut, Kommuni pilersaarusiorfigineqarneranut tapiliussaq nr. 46 kommunip suliaraa. Tassungaa atatillugu sanaartorfigissaanissamut atugassanngorlugu kommunalbestyrelsen konto 77-18, 2012-imi 100.000 koruuninik, 2013-imi 2 mill. koruuninik, 2014-imi 4 mill. koruuninik, katillugit 6,1 mill. koruuninik aningaasartalerlugu pilersippaa. Kuuffissuit pilersaarusiorneqarnissaat, aqqusinniornissallu aallartinneqarnissaa Teknikkimut Avatangiisinullu ataatsimiititaliap 2012-imi decembarip 11-ani ataatsimiinnermini akuersissutigaa.

Maleruagassatigut tunngavissat

Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit [Inatsisartut inatsisaat nr. 16, 17. november 2010-imeersoq](#) Inatsit taanna naapertorlugu sanaartorfigissaanissaq, matumani pisortat kuuffeqarfinnut aqqusersuutaat aamma pisortat aqquserni pisuinnarnullu aqqusernit, attaviliinermi akiliisitsisoqarsinnaatillugu kommunip suliaasarai.

Pissutsit atuuttut

Umiarsualivimmi qaartiterinermi ujarassuit atorlugit, sulineri aqqusinnissami 180 meterit siulliit pilersinneqareerput. Aqquserngup 30-50-imi sivinganera sivingavallaarunnaarsillugu kingusinnerusukku iluarsineqassaaq, soorlutaaq silinnerulersinneqartussaasoq. Aqquserngup toqqavissai, kuuffissualiinissamut atatillugu qaartiterinermi ujaqqat atorlugit pilersinneqarsinnaapput. Siunnersortinut akisungaaqisumik isumaqatigiissusiornissaq pinngitsoortinniarlugu, sulineri aqqusinnissaq Sanaartornermi immikkoortortaqqarfinnit siunnersuutitut pilersaarusiorneqarlunilu nakkutigineqassaaq.

Kiassarnermut, imermut, innaallagissamut, attaveqaatinullu pilersuineri aqqutit, Umiivitsiami kissarsuuteqarfik 4-mit ingerlatinneqartussaammata, pilersuineri aqqutit aqqusineq akimoorlugu ikkussuunneqassapput, kuuffissuullu aqqutaa atsinneq tikiingilaassallugu. Taamaalilluni sanaartorfigissaanissami ataatsimoortumik attaveqaateqassanngilaq, taamaattumillu kiassarnermut, imermut, innaallagissamut, attaveqaatinullu pilersuineri aqqutit ilanngullugit kommuni aamma sanaartorfigissaanermik isumaginissaguni imminut sunniuteqaqatigiissanatik. Illuatungaatigut aqqusersuinissat pilersuisut namminneq isumagisussaammattigit, marloriaammik allaffissornissaagaluaq sipaarutigineqassaaq. Pilersaarusiassap suliariumannittussarsiuunneqarnerani Rambøll akikinnerpaalluni neqerooruteqarpoq, tamannalu tunuliaqutaralugu pilersaarut aallarereerlugu.

Atuilluartaunissakkut kinguneqaatissat

Attaviliinissami pumpit innaallagissamik atuisut sapinngisamik pinngitsoortinniarlugit, pingaarnertut kuuffissuassaq sapinngisamik appasissumiinneqarpoq. Tamatuma kingorna avatangiisit eqqarsaatigalugit illoqarfiup kujataa-tungaani kuuffissuakkut kuutsinneqartut annersaat imermik mingunnikumik salivimmuut aamma annanik eqqaavimmi ataatsimoortumik kuuffimmuut kuutsinneqartassapput.



Qanorluunniit pisoqaralarpat, kuuffissuit katinnerisa minguiarneqarnissaannut biilerluni anguneqarsinnaasussaapput, pilersarusiornermilu tunngaviit naapertorlugit kuuffissulerfissat qaartiterneqartussaammata, iluatsillugu kuuffissuit tungaannut aqqutissaq, pisuttuarfissatut ilinniartunullu ineqarfimmik ataqatigiissitsilersisutut ilillugu sissaq sinerlugu pilersinneqarsinnaavoq.

Sanaartorfissani tamani kuuffissuit aqquaat immamut ingerlatinneqaralarpata, akikinniararsuarmik kuuffissualiisoqarsinnaavoq, taamaattoqassappalli kingusinnerusukkut saliisoqartalissagalarpat ajornakusoornerulissaaq, soorluttaaq Paaraarsuup paavani maangaanaq kuutsitat amerlinerisigut ulitsillugu kuuffissuakut kuutsitat kangerlummut sarfaanneqartalissasut.

Aningaasaqarnikkut allaffissornikkullu kingunerisinnaasai

Eqqaatigut pisuttuarterfissalerlugu pingaarnertut kuuffissuassamut 510 meteriusumut Rambøll missingersuut C-liornermini 7,44 mill. koruuninik naleqarnissaanik missingersorpaa. Maani illoqarfimmi entreprenørit sullorsualiornermut atatillugu qillerutinik atortuuteqannginnerat patsisaalluni immap tungaanut sivinganermi qillerinissaq ajornakusoorussaammata, qaartiterinissamut aningaasartuutissat taama qaffasitsigipput.

Kingusinnerusukkut pisuttuarfissaq qullersualersorneqarsinnaavoq. Maannakut sanaartorfissaanissamut taakku ilanngunneqanngillat.

Aqqusineq naammassillugu nalimmassarlugu, qullersualersorlugu asfalterlugulu 1,7 mill. koruunit missaannik naleqassanganneqarpoq. Taamaalilluni ataatsimoortumik sanaartorfissaanermi aningaasartuutissat 9,1 mill. koruuniussanganneqarlutik.

Taamaalilluni kuuffissuarnut aningaasartuutissanut Rambøll-ip missingersuusaa naapertorlugu sanaartorfissaanissamut 3 mill. koruunit amigaatigineqarlutik. Akiani A20-mi sanaartorfissaanissamut konto 77-02-mit, ilinniartunut inissiaqarfimmut konto 77-18-imut 3 mill. koruuninik nuutsinikkut aningaasat taakku pissarsiarineqassasut siunnersuutigineqarpoq. A20-p sanaartorfiggisarneqarnera siorna naammassingajappoq, ukioq mannaluu pisuinnarnup aqqutip aqquserngullu sinnaa asfaltigassaannaalluni. Konto 77-02-mi aningaasat 3,114 mill. koruunit 2012-imi atunngitsuukkat 2013-imut nuunneqarnikuupput

Sanaartorfissaaneq.

Kommunip pilersarusiorfigineqarneranut tapiliussaq naapertorlugu sanaartorfissaanermut aningaasartuutissat, sanaartorfissani sanaartorfiusinnaasut kvadratmeterikkaarlugit sanaartorfissanut agguataarneqartussaapput.

Sanaartorfissaq	Sanaartorfiusinnaasok kvm-inngorlugu	Sanaartorfissaanermi akiligassaq
A	4.800	2.323.500 kr.
B	4.400	2.130.000 kr.
C	3.200	1.549.000 kr.
D	1.600	774.500 kr.
E	4.800	2.323.500 kr.
Katillugit	18.800	9.100.000 kr.

Ilinniartunut inissiat 400-t missaanniittut sanaartorneqarsinnaasasut naatsorsuutigineqarpoq, assigiinnarpaalu ilinniartumut ataatsimut inissiamut 22.750 koruuninik aningaasartuuteqaraanni, tamannalu sanaartorfissaasimanernut allanut sanilliullugu akikinnerpaajulluni, sanaartortitsisut sanaartorfissani ataasiakkaani sanaartorfissaanissat isumagigalarpatigilluunniit.



Qullersaqarfiup oqaaseqaatai

Allaffeqarfiup naliliinera

Aqqusinniornikkut, pisuinnarnut aqqusinniornikkut, pingaarnertullu kuuffissualiinikkut kommunip kommunip pilersaarusiorfigineqarneratigut anguniakkani piviusunngortissavai, taamaalillunilu siunissami ilinniartunut inissialiornissanut sanaartorfissanik piareersimasuuteqalissalluni. Pingaarnertut kuuffissualersuinissaq juunip naanerani suliariumannittussarsiuunneqassaaq. Suliassaq aqutissanut qaartiterinikkut aasaq manna aallartinneqassappat, aningaasaliissutitigut killiliussat isumannaarneqareersimassapput. Taamaattoqassappat 2014-mi kuuffissualersuisoqarsinnaalissaaq, naammassillugit matoorneqareersimassapput, pisuttuarterfissarlu naammassineqareersimassalluni. Sanaartorfigissaanissami aningaasartuutissat agguataarneqarnissaannik maannakkut aalajangersagaqarnermigut, ilinniartut inissiassaannik sanaartorfissat sanaartortitsisunut kommunip neqeroorutigisinnaanngussavai. Tassunga atatillugu ilinniartunut inissiamut ataatsimut imaluunniit sulisunut inissiamik sanaartornissamut periarfissaqassappat, maannangaaq nunaminertamik inniminneereersinnaalissapput, pilersaarutiminnillu aallartitsillutik.

Allaffeqarfiup innersuussutaa

Teknikkimut Avatangiisinullu Immikkoortortap innersuussutigaa:

Akiani sanaartorfigissaanissamut konto 77-02-mit, ilinniartunut inissiaqarfimmuut konto 77-18-imut 3 mill. koruuninik nuutsisoqarnissaa, Aningaasaqarnermut ataatsimiititaliamut innersuussutigineqassasoq.

Pingaarnertut kuuffissualersuinissaq suliariumannittussarsiuunneqassasoq, missingersuutigineqartullu 7,44 mill. koruunit iluini suliassaq suliarineqarsinnaassappat, akikinnerpaamik neqerooruteqartoq isumaqatigiissusiorfiineqassasoq.

Siuliani eqitsimmi takutinneqartutut, sanaartorfissani sanaartorfiusinnaasut kvadratmeterii aallaavigalugit, sanaartorfigissaanissami aningaasartuutissat agguataarneqarnissaat aningaasaqarnermut ataatsimiititaliamut innersuussutigineqassasoq.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini allaffeqarfiup innersuussutaa akuersissutigivaa.



Innersuussut

Aningaasaqarnermut ataatsimiititaliamut akuereqqullugit innesuussutigineqassapput

Akiani sanaartorfigissaanissamut konto 77-02-mit, ilinniartunut inissiaqarfimmut konto 77-18-imut 3 mill. koruuninik nuutsisoqarnissasoq.

Pingaarnertut kuuffissualersuinissaq suliariumannittussarsiuunneqassasoq, missingersuutigineqartullu 7,44 mill. koruunit iluini suliassaq suliarineqarsinnaassappat, akikinnerpaamik neqerooruteqartoq isumaqatigiissusiorfiineqassasoq.

Siuliani eqitsimmi takutinneqartutut, sanaartorfissani sanaartorfiusinnaasut kvadratmeterii aallaavigalugit, sanaartorfigissaanissami aningaasartuutissat agguataarneqarneqassasut.

Aalajangiineq

Innersuussutigineqartut akuersissutigineqarput.

Ilanngussat

1. Kuuffissualiinissamut siunnersuut Tegn P101.
2. Rambøll-ip missingersuusaa C, 2.5.2013-imeersoq.

Imm. 07 Unioqquitsisoqartillugu akiligassiisoqartalernissap atuutsilersinneqarnissaa

Journalnr. 18.01

Tunuliaqutaq

Pilersaaruserneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersup atuutilerenerata kingunerisaanik, unioqquitsisoqartillugu § 62 naapertorlugu kommunalbestyrelsi pinngitsaaliissummik akiliisussannngortitsisinnaalernikuvoq.

Unioqquitsinikkut akiligassiisuteqartalernissaanik innersuussut, februaarimi TAI-mut saqqumiunneqarnikuvoq, innuttaasullu tusarniarneqarnissaat taamani aalajangiutaalluni. Siunnersuut kommu-nip quppersagaatigut/nittartagaatigut SivdleK'-ullu takusassiarineqarnikuvoq.

Maleruagassatigut tunngavissat

Pilersaaruserneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-imeersoq, pingaartumik:

§ 60 Kommunalbestyrelsip pilersaarusernermut nunaminertanullu inatsisip maleruagassallu taakkua tunngavigalugit maleruagassiaasut malinneqarnissaat nakkutigissavaa.

Imm. 2. Pissutsinik inatsisinik unioqquitsisunik kommunalbestyrelsi paasisaqaruni, kommunalbestyrelsip illuummi piginnittoq imaluunniit nunaminertamik atuisoq kommunalbestyrelsip piffissaliussaata iluani pissutsinik inatsisinut naapertuuttumik iluarseeqqullugu peqqussavaa. Kommunalbestyrelsi aalajangersinnaavoq inatsisinut naapertuuttunngortitsineq pissutsip aaqqinneratigut imaluunniit inatsisitigut iluarsinikkut pissanersoq.

Imm. 3. Kommunalbestyrelsip Inatsisartut inatsisaat manna, maleruagassat Inatsisartut inatsisaat manna naapertorlugu aalajangersagaasut kiisalu aalajangersakkat § 66, imm. 3 naapertorlugu atuutsinnarneqartut malillugit peqqussutaasut inerteqqutaasullu eqquutsinneqarnissaat aamma atugassarititaasut akuersissutini aalajangersagaasut malinneqarnissaat nakkutigissavai.

§ 62. Sukkulluunniit illumik piginnittup imaluunniit nunaminertamik atuisup pissutsit inatsimmik unioqquitsisut iluarsinissaat pisussaaffigaa.

Imm. 2. Piginnittup atuisulluunniit pissutsit inatsimmik unioqquitsisut iluarsinissaat pillugu § 60, imm. 2 malillugu peqqussutigineqartoq tamatumunnga piffissaliunneqartup iluani malinnigippagu, kommunalbestyrelsip piginnittoq imaluunniit atuisoq pissutsit iluarseeqqullugit tullerriaartumik pinngitsaaliissummik akiliisussannngortillugu allaffissornikkut peqqusinnaavaa.

Imm. 3. Pinngitsaaliissummik akiligassiinerit allaffissornikkut pisussaaffiliunneqarnerisa peqatigisaanik kommunalbestyrelsi § 63 malillugu suliakkiinissaq siunertaralugu politiinut nalunaaruteqassaaq.

Imm. 4. Imm. 2 malillugu akiligassiissutit kommunip karsianut tutsinneqassapput.

§ 63. §§ 29, 30, 31 aamma 37, imm. 1 aamma 4-imik unioqquitsineq aammalu §§ 32 aamma § 60, imm. 2 naapertorlugit peqqusissummik inerteqqummilluunniit malinninnginneq pillaammik akiliisitaasussannngortitsinermik imaluunniit Kalaallit Nunaannut pinerluttulerinermut inatsit malillugu inatsisinut naapertuuttunngortitsinissamik peqqusissuteqarnermik kinguneqarsinnaavoq.

Imm. 2. Inatsisartut inatsisaanni akiliisitsinissamik pineqaatissiinissaq tunngavissinneqarsimappat, akiligassiissut Kalaallit Nunaanni pinerluttulerinermut inatsimmi maleruagassat malillugit pisussaataasunut pisinnaatitaasunullu pisussaaffiliissutaasinnaavoq. Taamatuttaaq pisussaataasut pisinnaatitaasullu pissutsinik inatsisinut naapertuuttunngortitsinissammik pisussaaffilerneqarsinnaapput.

Imm. 3. Eqqartuussinikkut pissutsit inatsisinik unioqqutitsisut iluarsineqarnissaannik peqqusissuteqarneq, eqqartuussissummi piffissaliussap aalajangersarneqartup iluani malinneqarsimangippat, aammalu § 62 malillugu pinngitsaaliissummik akiligassiissummik akiliisitsiniarneq eqqartuunneqartup peqqusissummik malinninnissaanik kinguneqarsinnaasoq naatsorsuutigineqangippat, kommunalbestyrelsip pissutsinik iluarsiinissaq pisariaqartoq piginnittup akiligassaatut isumagisinnaavaa.

Imm. 4. Imm. 1 aamma 2 malillugit suliat Kalaallit Nunaanni Eqqartuussivimmuot siullertut suliaqartussatut suliaakkiissutigineqassapput.

Imm. 5. Imm. 1 aamma 2 malillugit akiligassiissutit nunap karsianut nakkartinneqassapput.

Pissutsit atuuttut

Akerliussutsinik takkuttoqarnikuunngilaq, ataasiakkaalli imminnut nunaminertat atugassiissutit saqqummiussinermut atatillugu iluariissuteqarfigitikkiartorsimallugit.

Atuilluartaunissamut kinguneqaatissat

Pinngitsaaliissummik akiliisussanngortitsinerit, (pingaartumik politiit akulerunneqartinnagit) unioqqutitsisoqartillugu kinguneqaateqartitseqatapput. Pinngitsaaliissummik akiliisussanngortitsisoqartalerneratigit, innuttaasut amerlanerusut malittarisassanik ataqinninnerulernissaannut aqutissiuusseqataasinnaavoq, atuutsitsilernissamullu nukippassuit atorneqassanngillat, soorluttaaq kommunip politiillu suliniarnerat kinguneqarnerulersinnaalluni.

Aningaasaqarnikkut allaffissornikkullu kingunerisinnaasai

Allaffeqarfik suliaasaqarnerulissaq, naatsorsuutigineqarporli politiinut oqilisaataalluni suliaasat pilertornerusumik qulanangitsumik naammassineqartalissasut.

Pinngitsaaliissummik akiliisussanngortitsinerni akiliutit kommunip karsianut ikineqartassapput.

Qullersaqarfiup oqaaseqaatai

'Annerusumik oqaaseqaatissaqanngilaq'

Allaffeqarfiup naliliinera

Unioqqutitsisoqartillugu suliaasaq sivisuumik suliarineqartarpoq, ukiullut qassiit qaangiukkaangata aatsaat pineqaatissiisoqarsinnaasarluni, taamaattoqaraangallu akiligassiissutit annertuneq ajorlutik. Nunaminertanut sanaartormullu tunngatillugu suliat salliutinnagit, inunnut ataasiakkaanut tunngatillugu suliaasat politiit salliuttarpat. Tamanna unioqqutitsinissamut sunniuteqartarpoq, innuttaasullu nalinginnaasumik eqqarsartarput, akuersissummik qinnuteqarani isumakkeerfigineqarnissamik kissaateqarneq ajunnginnerusoq. Allaffeqarfik isumaqarpoq, pinngitsaaliissummik akiliisussanngortitsisalernikkut taamatut eqqarsartariaatsimut ikilisaaqataallunilu politiinik suleqateqarnermut siuarsaaqataassasoq. Pinngitsaaliissummik akiliisussanngortitsisalernissat atuuttussanngortinneqassanngippata, unioqqutitsinerit kinguneqartinneqartassanngillat, taamaattoqassappallu unioqqutitsinerit amerliartuinnassallutik.

Suleriaasissaq:

pinngitsaaliissummik akiliisussanngortitsisoqarnissaanik aalajangiisoqartillugu, pisuni ataasiakkaani nalilersuisoqartassaaq, tullinnguuttulli pingaartinneqassallutik:



Unioqutitsisoqartillugu, nunaminertanik oqartussaasoq Kommunalbestyrelsi sinnersullugu pinngitsaaliissummik akiliisussannqortitsisassaaq, takuuk ilanngussaq 1 Aalajangiinissamut, iliuusissatullu pilersaarummut eqitsit.

Pinngitsaaliissummik akiliisussannqortitsinerit akilerneqartarnissaat akiliisitsiniartarfiup isumagisassavai.

Suna unioqutinneqarnerisooq apeqqutaalluni, akiligassaq annertussusilerneqartassaaq.

Nalinginnaasumik tamatumani nunaminertaq qanoq annertutigisooq atornerneqarnerisooq apeqqutaassaaq, assersuutigalugu 1m²-i 100 koruuninik naleqassaaq. Tamatumani nunaminertap annertussusaa, unioqutitsisumillu inissiisimanerit, ilaatigut nuunneqartussannqortunut aningaasartuutissat ataqtiginnissaannut tunngaviuvoq. Akiligassaq qanoq annertutigissanersooq, nunaminertanut oqartussaasut nalilersussavaat.

Qanoq annertutigisumik unioqutitsisoqarnerisooq apeqqutaalluni, akiligassat aalajangersimasumasumik sivilisussilerlugit akileqquneqartassapput, imaappoq unioqutitsineq inatsisinut/malittarisassanut naapertuuttunngortinnissaannut sivilisuneruppat, akiligassiisut sivilisunerisumik piffissalerneqassaaq, matumani nalingingnaasumik qaammammik sivilisussuseqartassapput. Qanoq sivilisutigissanersooq, nunaminertaniut oqartussaasut nalilersussavaat. Unioqutitsinerit inatsisinut naapertuuttunngortitsinissaasa, unioqutitsinerilluunniit inatsisinut naapertuuttunngortitsinikkut iluarsiivigineqarsinnaajunnaartut kommunip uppersarsillugu eqqartuussivimmut suliasannqortitsinissaata tungaanut, pinngitsaaliissummik akiliisussannqortitsinerit atuutissapput.

Suliat ataasiakkaat nalilersuiffigineqarnerisigut, qanoq annertutigisumik akiligassiisoqassanersooq aalajangerneqartassaaq, qanorli annertutigisumik akiligassiisoqartarnissaanut tullinnguuttoq aallaaviussaaq:

Assersuut, unioqutitsisumik ilisaateqarneq:

- Unioqutitsisumik containerimik inissiisimaneq (2,5x6,5), akiligassaq, qaammatit aallartinneri tamaasa 1625 koruunit
- Unioqutitsisumik umiatsiamik inissiisimaneq (2,5x6,5), akiligassaq, qaammatit aallartinneri tamaasa 1625 koruunit
- Unioqutitsisumik umiatsiaaqqamik inissiisimaneq (2,55x1,43), akiligassaq, qaammatit aallartinneri tamaasa 365 koruunit
- Unioqutitsisumik umiatsiaaqqamik annermik inissiisimaneq (3,75x1,80), akiligassaq, qaammatit aallartinneri tamaasa 675 koruunit
- Unioqutitsisumik quliisimaneq (3x4), akiligassaq, qaammatit aallartinneri tamaasa 1200 koruunit
- Unioqutitsisumik inissiisimaneq tamalaallu, soorlu ungalusat, naatsivilisimanerit il.il., m²-i aallaavigalugu akiligassiisoqartassaaq, assersuutigalugu 10m²-iusimappat, qaammatit aallartinneri tamaasa 1000 koruunimik akiligassiisoqartassaaq.
- Unioqutitsisumik biilinik atorunnaarnikunik inissiisimaneq (2,5x5), akiligassaq, qaammatit aallartinneri tamaasa 1250 koruunit.

Unioqutitsisumik inissiisimanerit qaammatip ataatsip iluani nuunneqarsinnaasut naatsorsuutigineqarpoq, taamaattumik akigitat naleqqupput, imaluunniit unioqutitsisumik inissitaasimasut nuunneqarnissaannut aningaasartuutissavinnit annerulaarlutik. akunneq ataaseq lastbilinik attartorneq 650 koruuneqarpoq.



Assersuut, unioqqutitsisumik sanaartornerit:

- Unioqqutitsisumik illiaraliorneq (30m²) naak, illuaqqat ilaat nuunneqarsinnaasaraluartut, toqqaviliisoqarneranit atuutilissaaq, akiligassaq, qaammatit aallartinneri tamaasa 3000 koruunit, taannali nikerarsinnaassaaq, unioqqutitsinerup iluarsiivigineqarnissaa qularnanngitsumik annerpaamik qaammatinik pingasunik sivisussuseqarsinnaassammat, taamaattumik qaammatinut pingasunut 3.000 koruunit.
- Unioqqutitsisumik aniinganerit (assersuutigalugu 2,6x1m), akiligassaq, qaammatit aallartinneri tamaasa 260 koruunit, matumanili najummisut piiarneqartussaammata, unioqqutitsisumik sanaartornerit taakku ulorianarmata, akiligassaq marloriaatinngortinneqassaaq.
- Unioqqutitsisumik alliliinerit (assersuutigalugu 2x3m), akiligassaq, qaammatit aallartinneri tamaasa 600 koruunit, matumanili najummisut piiarneqartussaammata, unioqqutitsisumik alliliinerit taakku ulorianarmata, akiligassaq marloriaatinngortinneqassaaq.

Assersuut, nunaminertamik atugassinneqarsimatilluni unioqqutitsisoqartillugu:

- Nunaminertamik 500m²-imik inuutissarsiorfimmik atuinissamut pisinnaatitasoq nunaminertamik torersuutitsinngikkuni, akiligassaq, qaammatit aallartinneri tamaasa 50.000 koruunit, taannali nikerarsinnaassaaq, unioqqutitsinerup iluarsiivigineqarnissaa qularnanngitsumik siviisusinnaassammat. Qaammatit pingasut ingerlanerini torersisitsisimanissaa naatsorsuutigineqarsinnaassammat, akiligassaq angissutitut agguataarneqassaaq, taamaalillunilu qaammatit pingasut aallartinneri tamaasa 12.500 koruunit akiligassiisoqartassalluni, taamaalillunilu akiligassat tamakkerluni ukiup ataatsip ingerlanerani akilerneqareersimassalluni.
- Namminerisamik illuliaq, assersuutigalugu 100 m²-i akuersissuteqanngitsumik pisiniarfittut atornerapat, akiligassaq, qaammatit aallartinneri tamaasa 10.000 koruunit, taannali nikerarsinnaassaaq, unioqqutitsinerup iluarsiivigineqarnissaa qularnanngitsumik siviisusinnaassammat, annerpaamik qaammatit pingasut, taamaattumik qaammatit pingasunut 10.000 koruunit.

Allaffeqarfiup innersuussutaa

Teknikkimut Avatangiisinullu ataatsimiititaliamit, Aningaasaqarnermut ataatsimiititaliamit, Kommunalbestyrelsimiillu inaarutaasumik akuerineqartussanngorlugi Teknikkimut Avatangiisinullu Immikkoortortap innersuussutigaa,

Nassuiaatigineqartutut, pinngitsaaliissummik akiliisussanngortitsisoqartalernissaa atuutsilersinneqassaaq.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini allaffeqarfiup innersuussutaa akuersissutigivaa.



Innersuussut

Aningaasaqarnermut ataatsimiititaliamit kommunalbestyrelsimiillu inaarutaasumik akuerineqartussanngorlugu innersuussutigineqarpoq,

Nassuiaatigineqartutut, pinngitsaaliisummik akiliisussanngortitsisoqartalernissaa atuutsilersinneqassasoq.

Aalajangiineq

Innersuussutigineqartoq akuersissutigineqarpoq.

Ilanngussat

1. Aalajangiinissamut, iliuusissatullu pilersaarummut eqitsit.
2. Atuutsitsineq pillugu Namminersorlutik Oqartussanik allakkiaq
3. Unioqqutitsinikkut akiligassiisoqartalernissaanik kommunip paasissutiissiinera

**Imm. 08 Mittarfikumi sanaartorfissaq 1.4-mi sanaartornermi atortunut ilitsivissamik
qinnuteqaat**

Journalnr. 18.01.02

Tunuliaqutaq

Kommunip pilersaarusiorfigineqarneranut tapiliusaaq nr. 39. Teknikkikkut atortuutunut atugassiaq, Sisimiuni Aqqusinersuarimi mittarfikumi sanaartorfissaq 1.4 sanaartornermi atortunut ilitsivissatut, ilaatigullu haaliliornissaminik Polar Entreprise A/S-ip qinnuteqarpoq.

Pilersaarusiornermi tunngavigineqartunut qinnuteqaat akerliuvoq.

Maleruagassatigut tunngavissat

Pilersaarusiorneq aamma nunaminertat atorineqartarnerat pillugit [Inatsisartut inatsisissaat nr. 17, 17. november 2010-imeersoq](#), pingaartumik:

§ 32. § 14, imm. 2 nr. 3 aamma § 14, imm. 3 naapertorlugit sumiiffiup ilaanut aalajangersimasumut aalajangersagaliornikkut pissutsinik pinngitsoortinneqarsinnaasunik pilersitsisoqarnissaa kommunalbestyrelsip inerteqqutigisinnaavaa.

Imm. 2. Inerteqquteqarneq ukioq ataaseq tikillugu sivisussuseqarsinnaavoq ataasiaannarlunilu pisinnaalluni. Inerteqquteqarneq tamanut nalunaarutigineqassaaq.

Kommunip pilersaarusiorfigineqarneranut tapiliusaaq nr. 39. Teknikkikkut atortuutunut atugassiaq, Sisimiuni Aqqusinersuarimi mittarfikoq.

Sisimiut Kommuniani illoqarfimmi nunaqarfinnilu sulineranut qamuterallannillu angallannermut malittarisassat.

Pissutsit atuuttut

Pilersaarusiornermi tunngaviit naapertorlugit sanaartorfissaq 1.4, sanaartorfissatut immikkoortitaavoq.

Tamanna pisortat teknikkikkut atortuutaannut, matumani hangar-imut, garage-mut, ilaatigullu helikopterinik iluarsartuussivissatut atugassiaavoq.

Sanaartorfissat 1.6 aamma 1.5 garage-qarfissatut toqqorsivissatullu/ilitsivissatullu haalimut atorineqarnissaannik entreprenørit nunaminertamik atugassinneqarnikuupput.

Atuilluartuunissamut kinguneqaatissat

Aningaasaqarnikkut allaffissornikkullu kinguneqaatissat

Ukiup ataatsip ingerlanerani, nutaamik kommunip pilersaarusiorfigineqarneranut tapiliussassamik suliaqartoqartussaavoq.

Qullersaqarfiup oqaaseqaatai

'Annerusumik oqaaseqaatissaqanngilaq'



Allaffeqarfiup naliliinera

Kommunip maleruagassaa naapertorlugu sanaartorfissat 1.6 aamma 1.4-p kujataa-tungaanni kiisalu Nalunnguarfimmitt mittarfikoq saneqqullugu ukiuunerani angallaveqarpoq. Ukiuunerani angallaviit taakku marluk mittarfikup eqqaani naapippat, taamaattumillu ukiuunerani tamanna aqqutigineqarluartarluni.

Pilersaarut naapertorlugu sanaartorfissaq 1.4 entreprenøreqarfittut atorreqarani, qamuteralannut orsersortarfissamut immikkoortinneqartussatut eqqarsaatigineqarpoq. Maani illoqarfimmi suliffeqarfik tamatumani pilersitsinissamik kissaateqarmat, kommunalbestyrelsillu tapersersormagu, pilersaarut pilertortumik suliarineqarnikuvoq. Orsersortarfittaassagaanni, avatangiisinut tunngasorpaaluit isumannaqqaartussaapput. Tamanna piffissaqarfigineqarsimangilaq, taamaattumillu tamanna pilersaarummi aalajangersimasumik ilanngunneqarani, qinnuteqaatigineqarneratigut suliarineqarumaartoq aalajangerneqarluni. Maani illoqarfimmi suliffeqarfik anguniagaqarusussuseqartoq pineqarmat, allat qaqilertorneqaratik orsersortarfiliinissaat naatsorsuutigineqarsimagaluarpoq. Suliffeqarfiup nunaminertamik inniminneereernermi kingorna nunaminertaq taamaatippaat.

Mittarfikup nalaa soqutiginarsarneqarluni takornarissanut assigiinnigitsutigut misigisassarsiornianut naapiffittut atorreqarnissaanik kommunalbestyrelsi kissaateqarpoq. Sanaartorfissaq 1.3-miittoq inuusuttut ornittagaat Nutaraq nuuppat, illuut inuutissarsiutilinnut tunineqassasoq naatsorsuutigineqarpoq. Nunap immikkoortortaani tamatumani entreprenøreqarfiliortoqassagaluarpat, inuusuttut ornittagaata nalaa takujuminaallissaaq, illuullu siunissami tuniniarneqassagaluaruni soqutigineqarpallaarnaviarani.

Tamatuma saniatigut haaleqalerlunilu ilitsiveqaleralarpat, ukiuunerani aqqutigineqartartumut akornusersuutinnigussapput.

Kangerluarsunnguami inuutissarfiorfissamik immikkoortitsisoqarnikuvoq, taannalu suliffeqarfiup pineqartup eqqannguaniilluni. Taamaattumk nunaminertap taassuma qinnutiginnissaanut periarfissaqarluarput, soorluttaaq nunataq tamanna atulissagaluarpassuk ataqatigiissumik suliffeqarfeqalissagaluartut.

Tamanna tunuliaqutaralugu qinnuteqaatip itigartitsissutigineqarnissaanik, §-imillu inerteqquteqarnissamik allaffeqarfik innersuussuteqarpoq.

Allaffeqarfiup innersuussutaa

Teknikkimut Avatangiisinullu Immikkoortortap Teknikkimut Avatangiisinullu ataatsimiititaliamut, Aningaasaqarnermut ataatsimiititaliap kiisalu Kommunalborgbestyrelsi inaarutaasumik akuersissuteqarnissaanik innersuussutigaa,

Qinnuteqaat itigartitsissutigineqarlunilu § 32 naapertorlugu inerteqqutiliortoqassasoq

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini allaffeqarfiup innersuussutaa akuersissutigivaa.



Innersuussut

Aningaasaqarnermut ataatsimiititaliamut kommunalbestyrelsimullu inaarutaasumik akuereqqullugu innersuussutigineqarpoq,

Qinnuteqaat itigartitsissutigineqarlunilu § 32 naapertorlugu inerteqqutiliortoqassasoq

Aalajangiineq

Innersuussutigineqartoq akuersissutigineqarpoq.

Ilanngussat

1. Tapiliussaqaq nr. 39-mi sanaartorfissat
2. Polar Entreprise-mit qinnuteqaat



Imm. 09 Atorfeqartitanut tunngasutigut paasissutissiineq, maajip 23-ani 2013-imeersoq

Journalnr. 03.00

Nalunaarusiornermi nalunaaquttap akunnermusiallit ilanngunneqanngillat

Maniitsoq:

1. Atorfinitsitat

Suliffik	Ateq	Atorfik	Ulloq atorfiniffik
Direktion	Stina Motzfeldt	Projektmedarbejder	1. juni 2013
Ilaqutariinnermut immikkoortortaq (Atammik)	Nukaaraq Poulsen	Forebyggelseskonsulent	1. maj 2013

2. Soraartut

Suliffik	Ateq	Atorfik	Ulloq suliunnaarfik
Int. daginst. Aanikasik	Najannguaq Berthelsen	Socialhjælper	31. maj 2013
Utoqqaat angerlarsimaffiat Nerusaaq	Johanne Olsen	Sundhedshjælper	31. maj 2013

3. Sulinnigiffeqartut – soqanngilaq

4. Suliffimmi nuuttut – Soqanngilaq

5. Inissaqartitsinissamik utaqqisut Maniitsumi – Soqanngilaq

Sisimiut:

1. Atorfinitsitat

Suliffik	Ateq	Atorfik	Ulloq atorfiniffik
Utoqqaat Angerlarsimaffiat	Dorthe Olsvig	Sundhedshjælper	1. april 2013
Ilaqutariinnermut immikkoortortaq	Hendrine S. Egede	Socialrådgiver	1. maj 2013
Meeqqerivik Uiaq	Najaaraq Johansen	Socialhjælper	15. maj 2013
Fritidsklubben Kangerlussuaq	Claus Hugger	Leder	1. juni 2013
Familiecentret	Ulrik Kreutzmann	Miljøarbejder	1. juli 2013
Teknikkimut Avatangiisinullu immikkoortortaq	Ole Kreutzmann	Beredskabschef	15. juni 2013

2. Soraartut

Suliffik	Ateq	Atorfik	Ulloq suliunnaarfik
Minngortuunnguup Atuarfia	Rita Thomsen	Lærer	31. juli 2013
Minngortuunnguup Atuarfia	Vivi Heilmann	Lærer	30. april 2013
Minngortuunnguup Atuarfia	Mamarut Amassen	Lærer	31. juli 2013
Qatserisarfik	Steen Boassen	Brandchef	31. maj 2013
Piareersarfik	Sofie Kreutzmann	Kontorfuldmægtig	31. maj 2013
Ilaqutariinnermut immikkoortortaq	Estella Petrussen	Socialrådgiver	31. maj 2013
Meeqqerivik Nuka, Kangerlussuaq	Louise Olsen	Socialhjælper	5. maj 2013

3. Sulinnigiffeqartut - soqanngilaq





**Aningaasaqarnermut ataatsimiititaliap maajip 28-ani 2013-imi ileqquusumik ataatsimiinnerata
05/2013-ip imaqarniliornera**

4. Suliffimmi nuuttut

Suliffik	Ateq	Atorfik	Piffissaq
Angerlarsimaffimmi ikiortiniit Utoqqaat angerlarsimaffiannut	Elvira Lundblad	Socialhjælper	1. juni 2013

5. Inissaqartitsinissamik utaqqisut Sisimiuni

Suliffik	Ateq	Atorfik	Atorfiniffik	Init qassit	Vakantbolig
PPR	Lena Schønwandt	Psykolog	1. februar 2013	4	Umiivitsiaq 7
Ilaqutariinnermut immikkoortortaq	Hendrine S. Egede	Socialrådgiver	1. maj 2013	2	Katak ApS

Innersuussut

Suliaq aningaasaqarnermut ataatsimiititaliamut paasissutissiissutitut saqqummiunneqarpoq.

Aalajangineq

Paasissutissatut tiguneqarpoq.

Ilanngussaq

Ilanngussaqanngilaq



**Imm. 10 Inuusuttunut immikkut sammissasaqartitsiniutitut neqeroorummik,
Nutaaliorfeeqqamik pilersitsinissamut konto 34-mi missingersuutitik
nuutsinissamut naqqiut pillugu ilisimatitsissut**

Journalnr. 06.02.04

Tunuliaqutaq

Nutaaliorfeeqqamik pilersitsinissamut atatillugu konto 38-02-10-30-12-imit -
Annertussusilerikkamik ikiorsiissutit, konto 34-mut - 2013-imi Sulilertitsinissamut
neqerooruteqarnermut 600 tusind koruuninik missingersuutitigut nuutsinissamik qinnuteqaat,
Aningaasaqarnermut Ataatsimiititaliap 2013-imi majip 7-ani ataatsimiinnermini akuersissutigaa.
Siornatigut kr. 425.000,00 koruuninik nuutsisoqareerpoq, nuutsinissamilli kissaatinut
takussutissami kukkunikkut ilanngunneqarsimanani.

Maleruagassat tunngavissat

Nuutsinissamik qinnuteqaatinik Aningaasaqarnermut Ataatsimiititaliaq akuerseqqaartussaavoq.

Pissutsit atuuttut

Nikingassut tullinnguuttutut allaffeqarfiup aaqqiissuteqarfiga:

ØU-mi akuerineqartoq 7. maj 2013

Kontonormu	Kontup taaguutaa	Missingersuut	Tapiissutit	Nutaaq aningsaliissut
38-02-10-30-12	Annertussusilerikkamik ikiorsiissutit	4115	-600	3515
38-02-10-30-13	Annertussusilerikkamik ikiorsiissutit, napparsimanersiutit il.il	1470	-700	770
34-00-13-xx-xx	Qeqqata Kommunua, 2013-mi sulilersitsinissamik neqerooruteqarnermi aningsaat		1300	1300
Katillugit		5585	0	5585

Naqqiut

Kontonormu	Kontup taaguutaa	Missingersuut	Tapiissutit	Nutaaq aningsaliissut
38-02-10-30-12	Annertussusilerikkamik ikiorsiissutit	3690	-600	3090
38-02-10-30-13	Annertussusilerikkamik ikiorsiissutit, napparsimanersiutit il.il	1470	-700	770
34-00-13-xx-xx	Qeqqata Kommunua, 2013-mi sulilersitsinissamik neqerooruteqarnermi aningsaat		1300	1300
Katillugit		5160	0	5160



Atuilluartuunissakkut kingunerisinnaasai
Kinguneqaatissaqanngilaq.

Aningaasaqarnikkut allaffissornikkullu kingunerisinnaasai
Kinguneqaatissaqanngilaq.

Qullersaqarfiup oqaaseqaatai
Annerusumik oqaaseqaatissaqanngilaq

Allaffeqarfiup oqaaseqaatai
Annertussusileriikkamik ikiorsiissutini atugassanit marloriarluni annertuunik, allanut atugassatut nuutsisimaneq allaffeqarfiup uggornartutut isigaa. Annertussusileriikkamik ikiorsiissutinik kingusinnerusukkut pisariaqartitsisoqalerpat, immikkoortortani allani siunertanut allanut atorneqareersimassapput.

Innersuussut

Innersuussutigineqassaaq, Aningaasaqarnermut Ataatsimiititaliap suliaq tusaatissatut tigussagaa, malitsigisaanillu Aningaasaqarnermut Ataatsimiititaliap aalajangiinera pillugu Ilaqutariinnermut Immikkoortortaq ilisimatinneqassasoq.

Aalajangiineq

Paasissutissatut tiguneqarpoq.

Ilanngussaq

1. Aningaasaqarnermut Ataatsimiititaliap 2013-imi majip 7-ani ataatsimiinneranit imaqarniliaq.

Imm. 11 Eqqagassalerineq/anartaajaalerineq – isumaqatigiissutip sivilissusissaa pillugu paasissutissiissut

Journalnr. 27.01.00

Tunuliaqutaq

Sisimiuni, Maniitsumi Kangaamiunilu kiisalu Kangerlussuarmi eqqagassalerinerup anartaajaalerinerullu suliariumannittussarsiuunneqarnissaannut atatillugu kiffartuussinissami isumaqatigiissut qanoq sivilutigisumik atuutissanersoq aalajangerneqassaaq. Sisimiuni entreprenørip suliassaq 1998-imiit 2012 tikillugu annertuumik naammagisimaarnartumik suliaraa, 2012-imi isumaqatigiissut ukiumik ataatsimik sivitsorneqaqqilluni. Maniitsumi Kangaamiunilu entreprenørit suliassat 2009-mit 2013 tikillugu suliassaraat. Kiffartuussinissami isumaqatigiissut qanoq sivilutigisumik sivilissusilerneqaruni akikinnerussanersoq, Teknikkimut Avatangiisinullu Immikkoortortap eqqarsaatigaa.

Maleruagassatigut tunngavissat

Kommunimi aqutsinermi ileqqoreqqusaq.

Suliariumannittussarsiuussineq pillugu Qeqqata Kommuniata december 2009-mi ilitersuusaa.

Sisimiuni, Sarfannguani Itillimilu ileqqoreqqusat 01.11.1995-imeersut.

Maniitsumi, Kangaamiuni, Napasumi, Atammimilu ileqqoreqqusat 2003-meersut.

Pissutsit atuuttut

Sisimiuni Maniitsumilu eqqagassalerinerup suliariumannittussarsiuunneqarnissaanni, entreprenørit suliassamik tigusiaartussat eqqagassalerinermi biilnik nutaanik pisisariaqarnissaat naatsorsuutigiineqassaaq. Eqqagassalerinermi biilit nutaat nutaanerusunillunniit ataatsit 2 mio. koruunit sinnerlugit akeqassasut naatsorsuutigineqassaaq. Suliassamut pineqartumut kisimi atorsinnaasunik atortunik immikkuullarissunik pisinissamik piunasaqaatitaqarluni kiffartuussinissamik isumaqatigiissuteqarnissami, isumaqatigiissutip iluani biilnut taakkununga nalikilliliinissap ilanngunneqarnissaanik aningaaseriviup tungaaninngaanniit nalinginnaasumik piunasaqaataassaaq.

Ima paasineqassaaq, isumaqatigiissut sivikinneruni aki qaffasinnerussaaq, siviluneruginilu appasinnerussalluni. Illuatungaatigut aamma, naammaginartumik piffissalerlugu, aki pitsaanerpaaq akilerneqartarnersoq nakkutigineqartassaaq. Ukiut arlallit ingerlanerini akitigut ataavartumik nalimmassaarisarnikkut, qaffasippallaamik akeqalersitsisoqarsinnaalertarpoq.

Ukiut arfinillit qaangiuppata immikkoortiterissutit, eqqakkanillu katersuisarnerit amerlanerulersimanissaat naatsorsuutigineqarpoq, taamaattumillu taamanikkornissaanut suliassaq suliariumannittussarsiuunneqaqqikkuni tulluassagaluarpoq.

Kanukoka-mi inatsisileritooq attavigineqarpoq, taassumalu paasissutissiissutigaa, suliariumannittussarsiuussisarnermi kommunip ilitersuusaaq naleqqussarneqaannassasoq. Suliassaq pillugu inatsisitigut allamik tunngavissaqanngilaq.

Atuilluartaunissakkut kingunerisinnaasai

Entreprenerimik sivilisumik suleqateqarnikkut, sulinermi atugassarititaasut kiffartuussinermilu atugassarititaasut innuttaasunut sulisunullu iluaqutinngorlugit pitsanngorsaanissamut entrepreneri eqeersimaartumik peqataanissaminut periarfissaqassaaq.

Suliariumannittussarsiuussinissami matumani aggersumi eqqagassalerinerup tunngatillugu nutaanik suliniuterpaaloqarnissaa naatsorsuutigineqarpoq, taamaattumillu suliniutit taakku ineriartortinneqarnissaanni misiligarneqarnissaannilu entreprenerimik suleqateqaraanni pitsaanerussalluni.

Aningaasaqarnikkut allaffissornikkullu kingunerisinnaasai

Ukiunut sisamanut isumaqatigiissiorani, ukiunut arfinilinnut isumaqatigiissusiorneqaruni neqeroorutigineqartoq appasinnerussasoq nalilerneqarpoq.

Qullersaqarfiup oqaaseqaatai

Allaffeqarfiup naliliinera

Teknikkimut Avatangiisinullu Immikkoortortami isumaqatigiippugut, ukiunut sisamanut isumaqatigiissusiorani, ukiunut arfinilinnut atuuttussamik isumaqatigiissusiorortoqaruni angusat pitsaanerpaassasut.

Allaffeqarfiup innersuussutaa

Teknikkimut Avatangiisinullu Immikkoortortap Teknikkimut Avatangiisinullu ataatsimiititaliamut innersuussutigaa,

Eqqagassalerinerup anartaajaalerinerullu isumaqatigiissutigineqarnissaa ukiunut arfinilinnut atuuttussanngorlugu suliariumannittussarsiuunneqarnissaa, Teknikkimut Avatangiisinullu Ataatsimiititaliap akuersissutigissagaa.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini allaffeqarfiup innersuussutaa akuersissutigivaa.

Innersuussut

Suliaq aningaasaqarnermut ataatsimiititaliamut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussaq

Ilanngussaqanngilaq

Imm. 12 Maniitsumi Kangaamiunilu anartaajaalerineq pillugu paasissutissiisut

Journalnr. 27.02.00

Tunuliaqutaq

Maniitsup Kommunerisimasaani sapaatip akunneranut marloriarluni eqqaaviit imaarneqartarput, anartarfiillu pingasoriaq imaarneqartarlutik. Kommunit kattussuunnerinut atatillugu aalajangerneqarpoq, kommunip illoqarfiini nunaqarfiinilu eqqakkanik anartarfinniillu igitanik katersuinarneq naapertuuttunngorsarneqarlutik, eqqaaviit sapaatip akunneranut marloriarlugit imaarneqartassasut, anartarfinniillu igitat aamma marloriarlugit katersorneqartassasut.

2009-2009-mi allannguinnermut atatillugu anartarfinnit igitat eqqarsaatigalugit sapaatip akunneranut marloriaannaq imaarneqartalernerini kinguneqaataasinnaasut, Maniitsumi Kangaamiunilu eqqaavilerisunit maalaarutigineqarput.

2010-mi oktobarip qaammataani Aningaasaqarnermut ataatsimiititaliamit aalajangerneqarpoq, Kangaamiuni nunaqarfimmi aqutsisut aamma nunaqarfimmi anartaajaalerisoq Esra Rosing allakkatigut ilisimatinneqassasut ima, 2010-p sinnerani Kangaamiuni anartarfinnit igitanik katersisarnermi allannguutissatut siunnersuutaat (anartarfinnit igitat sapaatip akunneranut pingasoriaq, eqqakkallu ataasiaq katersorneqartassasut) Qeqqata Kommuniata akuerisinnaangikkaa, soorluttaaq kommunimi illoqarfinni nunaqarfinnilu tamani 2011-mi assigiimmik kiffartuussinissamik Teknikkimut Avatangiisinullu ataatsimiititaliaq aalajangersaaqquneqartoq.

Ukiut tulliinut anartarfinnit igitanik katersisarnerup suliariumannittussarsiuunneqarnissaani atortussat suliarineqarnerinut atatillugu Maniitsumi anartarfinnit igitanik katersisarnermi misilittakkat, Kangaamiunilu anartaajaalerisunit maalaarutigineqartoq tunuliaqutaralugit Teknikkimut Avatangiisinullu Immikkoortortap kissaatigaa, igitanik katersisarneq kingumut eqqartoqqinneqassasoq.

Maleruagassatigut tunngavissat

Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersoq.

Anartarfiit aamma imermik errortuivikumik anartarfiillu imaannik eqqaaneq pillugit

Namminersornerullutik Oqartussat nalunaarutaat nr. 27, 17. september 1993-imeersoq.

Kalaallit Nunaanni sulinermi atugassarititaasut pillugit nalunaarut nr. 1048, 26. okt. 2005-imeersoq.

Pissutsit atuuttut

Maniitsumi Kangaamiunilu anartarfiit imaartakkat iluamik aqquteqaratik qatsissumiikkajuttarput. Anartarfinnit igitat majuartarfikkut takisuukkut ammukaanneqartarput, tamannalu timikkut sulipiloornartarluni. Sapaatip akunneranut marloriarluni anartarfinnit igitanik katersisalernikkut, puussiarsuit ulikkaarnerusarlutik oqimaannerusalerlutillu assartoruminaassinerulernikuupput. Pissutsit taamaatsillugit igitanik katersisarneq ilungersunarneruleqqavoq. Puussiarsuarnik taama oqimaatsigisunik assartuisarluni sulineq taama ilungersunarartillugu sulisoqarniarnikkut ajornartorsiuteqartarneq, pingaartumik Kangaamiuni anartaajaalerisup arlaleriarluni maalaarutiginiuuua. Tamatuma saniatigut Teknikkimut Avatangiisinullu Immikkoortortap ukiup ingerlanerani arlaleriarluni uppersarnerisuuua, anartaajaalerisoq naak ersarissumik piunaffigineqartaralarluni sulisuni pigiinnarusullugit sapaatip akunneranut pingasoriarluni anartarfinnit igitanik katersuisartoq.



Anartarfinnit puussiarsuit ullut arlallit illut silataanniissimatillugit, aaneqaraangamik qerisimasarput. Maniitsumi allatut ajornartumik annat kuuffimmut kuutsitinnagit, ullorpaaluit annanut eqqaavimmi aasseerlugit uninngatinneqartariaqartarput. Tamanna tippatsitsisorujussuusarpoq, soorluttaa q puussiarsuit putulaarsimatillugit natermut kooruusaartartut.

Pissutsit pitsaanngitsut atugaralugit oqimaatsunik kivitsisarnermi tassangaannartumik ajoqusertoqarsinnaallunilu timimut nungusaataasarpoq, soorluttaa nukitsigut sukattoortarnermik kinguneqartitsisartog. Sivingasukkut assartuineq timikkut nukkiornartarpoq. Sivingasuukkut takisuukkullu assartuineri ilungersunarnerusarpoq.

Kalaallit Nunaanni sulineri atugassarititaasut pillugit nalunaarummi § 27a naapertorlugu kiffartuussinermik suliassamik suliariumannittussarsiuussiniartup, suliariumannittussarsiuussinissami atortussanik suliaqarnermini sulineri isumannaallisaaneq peqqinnissarlu eqqarsaatigissavai.

Kalaallit Nunaanni kommunit kattussuunnerisa kingorna, eqqakkanik katersisarnerit kommunini allani naapertuuttunngorsarneqarsimangillat. Illoqarfiit nunaqarfiillu ilaanni sapaatip akunneranut marloriaq, allanilu pingasoriaq eqqakkanik katersisoqartarpoq.

Aningaasaqarnikkut allaffissornikkullu kingunerisinnaasai
Katersisarnerup allanngortinneqarnera kinguneqassangatinneqanngilaq.

Qullersaqarfiup oqaaseqaatai

Allaffeqarfiup naliliinera

Suli ukiorpaat anartarfinnit igitanik katersisoqartarnissaa pinngitsoorneqarsinnaanngilaq. Sulineri atugassarititaasut pitsanngorsarneqarnerisigut, sapaatip akunneranut pingasoriaq anartarfinnit igitanik katersisalernikkut anartaajaalerisup sulisuminik pigiinnarsinnaanissaanik qulakkeerissaaq, soorluttaa sulineri atugassarititaasut isumannaatsuunissaannik peqqinnartuunissaannillu inatsisitigut anguniarneqartunik, Qeqqata Kommuniata naammassinninnissaanut qulakkeerinnissasoq.

Allaffeqarfiup innersuussutaa

Anartarfinnit igitanik katersisarnermi illoqarfinni nunaqarfinnilu pissutsinut naleqqussaasinnaaneq periarfissanngortinneqassasoq, pingaartumillu Maniitsumi Kangaamiunilu sapaatip akunneranut pingasoriaq katersisoqartalissasoq.

Teknikkimut Avatangiisinullu ataatsimiititaliami suliap sularinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini allaffeqarfiup innersuussutaa akuersissutigivaa.

Akuersissutigineqarpoq. Kommunimi kuuffissuaqarneq pillugu pilersaaruserit ingerlateqqinneqarnissaat ataatsimiititaliamit kissaatigineqarpoq.



Innersuussut

Suliaq aningaasaqarnermut ataatsimiititaliamut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussat

1. Nalunaarut nr. 1048, 26. oktober 2005-imeersoq
2. Aningaasaqarnermut ataatsimiititaliap 08/2010-mi ataatsimiinneranit imm. 25: Kangaamiuni eqqagassalerineq anartaajaalerinerlu

**Imm. 13 Imerkik mingunnikumik misissuineq pillugu Nunanik Avannarlernik
suleqateqarneq pillugu paasisutissiissut**

Journalnr. 81.04.00

Tunuliaqutaq

Imeq mingunnikoq avatangiisinit uumassusillit sananeqaataannik akoqarneranik misissuineq pillugu Nunat Avannarliit peqatigiillutik pilersaarutaannut Qeqqata Kommunia peqataanissaminut soqutiginninnersoq aperineqarluni, Kommuni januaarimi Savalimmiunit saaffigineqarpoq. Pilersaarummut peqataanissarput, Nunamut Namminermut, Pinngortitamut Avatangiisinullu Naalakkersuisoqarfimmit innersuussutigineqarnikuvoq.

Imerkik mingunnikumik saliineq pillugu atuilluartuunissamik pilersaarutitsinnut pilersaarut tulluarpallaaqimmat, saaffiginnissut tigulluarpaput. Maajip aallaqqaataani ilisimatinneqarpugut, pilersaarut Nordisk Råd-ip ataani Nordregio-mit tapersorneqartoq.

Maleruagassatigut tunngavissat

Soqanngilaq.

Pissutsit atuuttut

Savalimmiuninngaanniit Thorshavn, pilersaarusiornermi aamma aqutsisuulluni peqataavoq, Island-imit Reykjavik, Norge-mit Tromsø aamma Kalaallit Nunaannit Sisimiut. Ataavartuutitsinissaq qulakkeerniarlugu, aammali imerkik mingunnikumik saliineq, pilersaarusiornissaq, uumassusilinnik misissuinissaq il.il. pillugit, siammasissumik ilisimasaqarnissaq pillugu nunat tamarmik marlunnik sinniisuutitaqarput.

Neriukkalarataa aamma Danmark-imi avatangiisinit aqutsisoqarfiup ataaniittoq Dancea aqutugalugu "Atuilluurluni imerkik mingunnikumik saliineq" tapersorneqarumaassasoq, kisianni itigartinneqarpugut.

Taamaattumik Artek/DTU-mi ilinniartut pilersaarummik suliaqarnerisigut, saliivimmit AL2-mi nioqqutissioortumit, kemikalianik suliaqarfiusumit nioqqutissioortumit, Kemira-mit, Rambøll-imit aamma Ineqarnermut, Pinngortitamut Avatangiisinullu Naalakkersuisoqarfimmit tapersorneqarluatik misissueqqaarnerit 2013-imi ingerlanneqarsinnaaniassammata, misissueqqaarnissat pilersaarummut naapertuuttunngorsarniarsarivagut.

Aningaasaqarnikkut allaffissornikkullu kingunerisinnaasai

Peqataassagutta allaffeqarfiup tungaaninngaannit misiliutissanik tigusinissamut, angusanik misissuinissamut, minnerunngitsumillu atuilluartuunissamik avatangiisillu minguinissaannik pingaartitsillutik nunani avannarlerni pineqartoq pillugu sulerusussuseqarluartunik, naapitsinissamut nukissaqarnissaq piffissaqarnissarlu pisariaqarpoq.

Peqataanissami aningaasartuutissat, pilersaarut aqutugalugu matusserneqassapput.

Atuilluartuunissamut kinguneqaatissat

Nunatsinni imeq mingunnikoq akuutissanik sunik akoqarneranik, imermillu mingunnikumik mekaniskimik-kemiskimik saliinikkut akuutissat suut piarneqarsinnaaneriniik paasinikkusunnitsinnut pilersaarut tunngavissaalluarpog. Imerkik mingunnikumik saliissagaanni kemiskit pinngortitamut immamullu mingutsitsissutaasinnaangitsut atorneqarnissat piumasagaataavoq. Nalinginnaasumik akuutissat pinngortitameereersut pineqarput.



”Imerk mingunnikumik saliineq pillugu atuilluartuunissamik pilersaarut”-itsinnut suliniut pineqartoq ilaatinneqassaaq, siullermillu mekaniskimik-kemiskimik saliineq misiligarneqariarluni neriuppugut Kangerlussuarmi, Sisimiuni aamma Maniitsoq-mi, immaqalu kingorna Kangaamiuni saliivinnik pilersitsisoqarnissaanik innersuussisinnaassalluta.

Kangerlussuarmi kuuffissuit imermullu mingunnikumut aqqutit ataatsimoortinneqareernikummata, 2014-imi 2015-imiluunniit Kangerlussuarmi saliiveqalernissaa allaffeqarfiup innersuussutigissagaa naatsorsuutigineqarpoq.

Qullersaqarfiup oqaaseqaatai

Annerusumik oqaaseqaatissaqanngilaq.

Allaffeqarfiup naliliinera

Allaffeqarfiup nalilerpaa, pilersaarummut peqataanitsigut maani nunatsinni imermik mingunnikumut annertuumik ilisimasaqalissasugut, aammali ullutsinni nunani avannarlerni imermik mingunnikumik qanoq saliisarnersut, siunissamilu suliniarfissatik qanoq pingaarnersiortarneri pillugit ilisimasanik katersinissarput qulakkeerlugu, ilisimasanik annertuumik paarlaasseqatigiissinnaalissaagut.

Allaffeqarfiup innersuussutaa

Allaffeqarfiup innersuussutigaa, paasissutissiissut ataatsimiititaliap tusaatissatut tigussagaa.

Teknikkimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap maajip 21-ani 2013-imi ataatsimiinnermini suliaq tusaatissatut tiguaa.

Innersuussut

Suliaq aningaasaqarnermut ataatsimiititaliamut paasissutissatut saqqummiunneqarpoq.

Aalajangiineq

Paasissutissatut tiguneqarpoq.

Ilanngussat

1. Qinnuteqaatip akuersissutillu assilineri. (Tuluttuinnaq).
2. Imip mingunnikup salinneqarnissaanik uuttuutip assilineri.

Imm. 14 Tamalaat

Realkreditimut tunngasut Qeqqata Kommuniani atorneqarnerat pillugu Siverth K. Heilmannip apeqquteqaataanut borgmesteri nassuiaateqarpoq.